

春駒小譜



春駒小譜序

時乎不再大地無非參鷓之場生兮若浮小住卽是
華胥之國詢三生于石畔未免有情博一覺于枕邊
差堪作達蠅頭蝸角枉勞跼躄于人寰蟲辟鼠肝儘
合逍遙乎物外彥也秦簫初罷頻傷奉倩之神莊缶
久彈漸改安仁之髻偕鹿門以高隱誰更挽車伴杜
老以行棋孰爲畫紙然而畫眉窻下曾賡樛木于生
前因之傅粉房中長接桃根于身後乃青天易老不
留曼倩之細君而碧月難圓屢悼謝家之少婦賃春
算雄自此關心賸粉零紈那堪入目于是感蒙叟之

春駒小譜目錄
寓言成春駒之小譜聊以送日度可移情夫其形細
身輕神閑意適絕非半閑之蟋蟀并殊壯武之鷓鴣
蟻爭陣以空酣啣其善鬪蜂排衙而趁鬧訝彼長喧
爾殆癡人何妨說夢我亦靜者擬與談玄脉脉春情
聊爾托化生以寄興匆匆駒隙不勝驚時序之推移
云爾

時

乾隆三年歲次戊午四月吉日匏廬道人陳邦彥書

春駒小譜目錄

卷上

名類

故實

神異

藝文

卷下

散藻

春駒小譜卷

鮑廬道人述

名類

春駒

採蘭雜誌蛺蝶一名春駒

野蛾

風蝶

撻末

鳳子

鳳車

鬼車

崔豹古今注蛺蝶一名野蛾一名風蝶江東謂之撻

末色白背青者是也其有大如蝙蝠者或黑色或青

斑名曰鳳子一名鬼車生江南柑橘園中

胡蝶

埤雅蛺蝶粉翅有鬚一名胡蝶

翠紺縷

金眼

丁香眼

紫斑眼

黑花

黃白

緋脉 [天如蝙蝠] [小如榆莢] [唐段公路北戶錄]

公路南行歷懸藤峽維舟飲水觀巖側有一木五綵初謂丹青之樹因命僮僕采之頃獲一枝尚綴軟蝶凡二十餘箇有翠紺縷者金眼者丁香眼者紫斑眼者黑花者黃白者緋脉者大如蝙蝠者小如榆莢者因登岬視乃知木葉化焉

梁山伯祝英臺 [寧波志] 吳中有花蝴蝶橘蠹所化

也婦孺以梁山伯祝英臺呼之今土人呼黑而有彩者曰梁山伯純黃色者曰祝英臺

韓憑夫婦之魂 [山堂肆考] 大蝶必成雙乃韓憑夫

婦之魂

黃色感金氣 [丹鉛總錄] 蝴蝶或白或黑或五彩皆

具惟黃色一種至秋乃多蓋感金氣也

大曰蝶小曰蛾 [氣化風化] [草蝶水蝶] [本草蝶]

蛾類也大曰蝶小曰蛾其種甚繁皆四翅有粉好嗅

花香以鬚代鼻其交以鼻交則粉退古今注謂橘蠹

化蝶爾雅翼謂菜蟲化蝶列子謂烏足之葉化蝶埤

雅謂蔬菜化蝶酉陽雜俎謂百合花化蝶北戶錄謂

樹葉化蝶如丹青野史謂綵裙化蝶皆各據其所見

者而言爾蓋不知蠹蠹諸蟲至老俱各蛻而為蝶為

蛾如蠶之必羽化也朽衣物亦必生蟲而化草木花
葉之化者乃氣化風化也其色亦各隨其蟲所食花
葉及所化之物色而然楊慎丹鉛錄云有草蝶水蝶
在水中

江夏斑 大海眼 小海眼 村裏來 採花子

西陽雜俎劉魯封云滕王蛺蝶圖有名江夏斑大海
眼小海眼村裏來採花子

玉腰奴 清異錄温庭筠句云花賊玉腰奴謂蝶也

鬼蛺蝶 真武蟬 桂海蟲魚志鬼蛺蝶大如扇四

翅好飛荔枝上黑蛺蝶大如蝙蝠橋蠹所化北人云

真武蟬

媚蝶 唐段公路北戶錄嶺表有鶴子草蔓花也當

夏時開形如飛鶴翅羽嘴距皆全云是媚草蔓上春

生雙蟲食葉收入粉奩以葉飼之老蛻爲蝶赤黃色

女子收佩之如細鳥皮令人媚悅號爲媚蝶 南方

草木狀南海有鶴草上有蟲老蛻爲蝶赤黃色女子

藏之謂之媚蝶能致其夫憐愛

翅上金眼 西陽雜俎衛公得蛺中異蝶翅濶四寸

餘深褐色每翅上有二金眼

胥 莊子至樂篇陵鳥得鬱棲則爲鳥足 注此相合而相生也

鳥足之根為蟻螬其葉為蝴蝶胡蝶胥也注蝶一嘗各胥

見園蔬其葉有為蝶者三分二已蝶矣其一尚葉也

朽麥為蝴蝶蠹蟲羽化為蝶搜神記朽葦為螻

麥為蝴蝶又麥之為蝴蝶也翼羽生焉眼目成焉心

智存焉此自無知而化為有知而氣易也又木蠹生

蟲羽化為蝶

蠶蛻為蝴蝶陸龜蒙蠹化橘之蠹大如小指齧葉

如飢蠶之速蛻為蝴蝶聳空翅輕瞥然而去須臾犯

蝥網而膠之引絲還纏牢若拳梏

壞綠裙幅為蝶百合花化大蝶西陽雜俎白蛺

蝶尺蠖繭所化也秀才顧非熊少時見鬱棲中壞綠裙幅旋為蝶張周封言百合花合之泥其隙經宿化為大蝴蝶

蜂蝶無雌鬚嗅鬚交交以鼻續古今注龜

鼈之類無雄蜂蝶之類無雌一說蜂蝶醜皆以鬚嗅

鬚蓋其鼻也太平清話胡蝶絡緯蟋蟀以鬚交

正字通其交以鼻

化生者眼無竅草木子化生者眼無竅惟有黑點

而不能見蠶蝶之類是也

蝶交粉退鶴林玉露道藏經云蝶交則粉退

各類

唾津抹翅 物類相感志 唾津抹蝴蝶翅則當空高飛

背千金逐蛺蝶 抱朴子 髻孺背千金而逐蛺蝶散

風蝶令 蝴蝶兒 玉蝴蝶慢 蝶戀花 見詩餘 調名

粉蝶兒 見毛滂 東堂詞

粉蝶兒慢 北粉蝶兒 見片 玉詞

撲蝴蝶 周密癸辛雜志 吳有小妓善舞撲蝴蝶又

邵叔齊詞名撲蝴蝶近

故實

栩栩然 莊子齊物論 昔莊周夢為蝴蝶栩栩然蝴蝶也自喻適志與不知周也俄然覺則蘧蘧然周也 不知周之夢為蝴蝶與蝴蝶之夢為周與周與蝴蝶則必有分矣此之謂物化

夢蝶坊 濠梁志 夢蝶坊在開元寺西莊子云周夢

為蝴蝶周嘗寓此故以名坊

蝶所止者幸焉 開元遺事 明皇春宴使宮中妃嬪

各插艷花帝親捉粉蝶放之蝶所止者幸焉後太真

專寵遂罷此戲

蜂蝶慕香 開元天寶遺事都中名姬楚蓮香者國色無雙時貴門子弟爭相詣之蓮香每出則蜂蝶相隨蓋慕其香也

黑蝶賦 南史沈麟士傳麟士年過八十耳目猶聰明以鈔寫火下細書復成二三千卷滿數十篋時人以爲養身靜默所致製黑蝶賦以寄意

魏收驚蛺蝶 魏收傳收嘗在京洛輕薄尤甚人號曰魏收驚蛺蝶文襄曾游東山令給事黃門侍郎顥等宴文襄曰魏收恃才使氣卿須出其短往復數番收忽大唱曰楊遵彥理屈已倒情從容曰我綽有餘

暇山立不動若遇當塗恐翩翩遂逝當塗者魏翩翩者蛺蝶也文襄先知之大笑稱善

剪春蝶 夢華錄立春日自郎官御史寺監長貳以上皆賜春幡勝以羅爲之宰執親王近臣皆賜金銀幡勝入賀訖戴歸私第又士大夫家剪綵爲小幡或懸于家人之頭或綴于花枝之下或剪爲春蝶春錢春勝以爲戲

花朝撲蝶會 誠齋詩話東京二月十二日日花朝爲撲蝶會 熙朝樂事二月十五日爲花朝節宋時有撲蝶之戲

滕王蛺蝶 潛確類書滕王元嬰高祖子工于蛺蝶

王建宮詞曰禁中數日無呼喚榻得滕王蛺蝶圖

謝蛺蝶 潛確類書宋謝逸有蝶詩三百首極佳有

云江南日暖午風細頻逐賣花人過橋時呼謝蝴蝶

鬪蝴蝶 事物紺珠宋雍熙中京師人破竹為細縷

以五色紙為蝴蝶綴其杪兩兩相對手撚之相飛觸

曰鬪蝴蝶後河朔頻歲用兵

醉中天小令 輟耕錄大名王和卿滑稽挑達傳播

四方中統初燕市有一蝴蝶其大異常王賦醉中天

小令云拚破莊周夢兩翅駕東風三百處名園一采

一箇空難道風流種說殺尋芳蜜蜂輕輕的飛動賣

花人搦過橋東由是其名益著

三春應作探花郎 懸笥瑣探正統三年六月一日

予始人吳縣學增廣生是年開科取士而為吳學之

得舉者三人周郁為春秋魁第四名張巖第十一施

槃第十五既而赴會試槃作詩詠胡蝶云莫怪風前

多落薄三春應作探花郎已未科狀元及第

蝴蝶入袖 太平清話雅宜病于壬辰卒于癸巳臨

終夢胡蝶入袖曰吾其已矣

蝴蝶洞 流杯池羅浮記蝴蝶洞在麻姑臺西前為

水簾洞其下有流杯池相傳八仙會飲于此又羅浮山志洞在水簾內雲峰巖側多蝴蝶故名蝶依花樹間見人不爲動動亦不遠人折樹枝攜出洞輒飛復故處相傳葛仙遺衣所化

春駒小譜

神異

大樹結實化紅蝶

隋書隋末長安禁苑內一大樹

冬月雪中忽花葉茂盛及凋謝結實其子光明燦爛如火之明數日皆化爲紅蛺蝶飛去

黃白蛺蝶皆金玉

杜陽雜編穆宗皇帝殿前種千

葉牡丹花始開香氣襲人自是宮中每夜卽有黃白蛺蝶萬數集于花間輝光照耀達曉方去宮人競以羅巾撲之無有獲者帝令張樂于空中遂得數百于殿內縱嬪御追捉以爲娛樂遲明視之則皆金玉也

其狀工巧無以爲比內人爭用絳縷絆其脚以爲首飾夜則光起粧奩中其後開寶樹觀金錢玉屑之內有蠕蠕者有爲蝶者

穀中蝴蝶 太平清話崇禎庚辰秋析城山樹頭遍掛蟲穀如人形長三寸綠色衣冠襟袖宛然兩腋下穿黑絨線如傀儡繩繫山中取贈人懸室內至春時落穀開裂中飛出一蝴蝶絕可觀

如兩手大 唐段公路北戶錄盧肇嘗說捉得一粉蝶如兩手大上有散綠點丁香眼前翅頭兩畫胭脂色後翅爲燕尾分亦蝶之異也

葛仙遺衣所化

羅浮舊志羅浮山有蝴蝶洞在雲

峯巖下古木叢生四時出綵蝶世傳葛仙遺衣所化蝴蝶享食 廣博物志梁山有漢武帝廟至今有祭

者往往有一二百蝴蝶降祠所享其食近之不驚徹饌然後羣去時謂武帝侍從捉之者病

麥悉飛去

桐鄉縣志宋淳熙十五年張氏家麥化

爲蝶時用麥作飯久而怨天人語之曰麥可療飢何怨爲明晨取麥炊食悉飛去

如蒲帆

肉八十觔

嶺南異物志常有人遊南海

泊于孤岸有物如蒲帆飛過海將到舟舟人競以物

擊之如帆者盡破碎墮地視之乃蛺蝶也海人去其翅足稱之得肉八十觔噉之極肥美

石函素書 西陽雜俎韓偓在桂州有妖賊封盈能爲數里霧先是常行野外見黃蛺蝶數十因逐之至一大樹下忽滅掘之得石函素書大如臂遂成怪道紙剪蛺蝶成列而飛 桂苑叢談咸通初有進士張綽者下第後多遊江淮間有道術或人名飲合意則索紙剪蛺蝶二三十枚以氣噓之成列而飛累刻以指收之俄皆在手見者求之卽以他事爲阻

蛺蝶化蝶

漢實錄右監門衛大將軍許遷言臣奉命

博州至博平戴村有蛺蝶彌亘數里一夕並化蝶飛去
繪化蝴蝶 合璧事類進士段碩常識南孝廉者善斫膾縠絲縷輕可吹起操刀響捷若合節奏因會客銜技先起魚架之忽暴風雷雨雷震一聲鱸悉化爲蝴蝶飛去南驚懼遂折刀誓不復作

絹蝶

蘇詩施注小說一道人爲戲術碎剪絹作蝴蝶而飛少選後如故或藏其一蝶絹亦戲如蝶之大

雙蝶如燕

六朝錄劉子卿居廬山有五綵雙蝶來

遊花上其大如燕夜間有二女子曰感君愛花間之物故來相諧君子豈有意乎子卿曰願伸繾綣自是

每旬一至者數年

花月之神 春渚紀聞建安章國老之室宜興潘氏女既歸國老不數歲而卒其終之日室中飛蝶散滿不知其數聞其始生亦復如此既設靈席每展遺像則一蝶停立久之而去後遇遠諱之日與曝像之次必有一蝶隨至不論冬夏也其家疑其爲花月之神帳中徘徊 癸辛雜志楊大芳娶謝氏謝亡未殮有蝶大如扇其色紫褐翩翩白帳中徘徊飛集窻戶間終日乃去

明之化蝶 宋周密癸辛雜志楊昊字明之娶江氏

少艾連歲得子明之客死之明日有蝴蝶大如掌徘徊于江氏之傍竟日乃去及聞訃其蝶復來繞江氏飲食起居不置也蓋明之不能割戀于少艾稚子故化蝶以歸耳李商嘗作詩記之曰碧梧翠竹名家兒今作栩栩蝴蝶飛山川阻深細羅密君從何處化飛歸

踐踏成泥 癸辛雜志李鐸 畫墁錄諫議知鳳翔既

卒有蝴蝶萬數自殯所以至府宇蔽映無下足處府官弔祭接武不相辨揮之不開踐踏成泥其大者如扇逾月方散

藝文一

賦文

唐賈餗莊周夢爲蝴蝶賦窮萬化之指歸得七篇于
往昔何真人之形氣以異類而遷易將以明道之樞
喻心之適徐徐在寐忽羽化于他方栩栩旣遊忘魂
交于此夕是知溥天之下萬物一焉雖飛走之或殊
何生成之爲假形隨夢改豈必大人占之心與物違
孰云夫子聖者澹然休息悅爾飛揚闡出蠨蛸之戶
潛辭蟋蟀之堂風景熙熙但娛情于蝴蝶是非草草
已委蛻于蒙莊旣而忽忽悠悠東西泛浮動皆造適
止必忘憂草上翩翩與百花而共媚林間搖曳似一

葉之先秋彼賢愚波注禍福環周信乃人間之累非
同域外之遊且夫浩浩陰陽茫茫羣衆紛胷襟之憂
患勞日夜而迎送是以至人因茲託諷爲魚而江湖
可入爲鳥而風雲可控飄然而往安知棄我如遺條
爾復來又疑與爾俱夢故得弔詭之理明懸解之規
方形神之寂寞有變化之云爲夢也者不期而會飛
也者以息相吹豈啣髮之能診蓋忘蹄之可知至乎
往復須臾以化爲徒寤與覺而未辨蝶將周而已殊
是以大同而言萬物爲肝爲膽小異而說一身爲越
爲胡苟愚智而自得實聖靈之規模客有志業未如

居多不愜六夢紛其夜動七情忘于晝接乃陳古以
况今賦莊周之夢蝶 張隨莊周夢蝴蝶賦伊濤園
之傲吏談玄默以和光表人生之自得繫萬化之可
量萬靈齊乎一指異術昭乎通莊忘言息躬輒造道
遙之境靜寐成夢旋臻罔象之鄉予以遷神予以化
蝶樂彼形之蠢類忘我目之交睫于是飄粉羽揚翠
鬣始飛飛而稍進俄栩栩而自愜烟中蕩漾媚春景
之殘花林際徘徊舞秋風之一葉於戲變化悠悠人
生若浮希微兮其狀方異恍惚兮其神遂收雖遠遠
而復體尚悄悄以在眸我豈彼類彼寧我儔苟夢非

而覺是誠虛往而寔留且玄蹤莫覲真理難求莊周
之夢蝶而蝴蝶之夢周歟迺知元氣混然感通斯衆
爲生死之異分量寤寐而適中形因靜息符大辨之
不言神以化遷異至人之無夢若夫氣爲質本夢與
道俱以我之有化彼之無固假寐而倏忽越百齡以
須臾其在周也不知蝶之于彼矣其在蝶也不知周
之于此乎若然者萬物各得其性一體或殊其途有
徐徐而龜曳其尾有察察而狼跋其胡智者所以自
智愚者周以自愚則孰能間其巨細孰能別其榮枯
欲窮莊生夢蝶之理走將一問于洪鑪 陸龜蒙化

書橘之蟲大如小指首員特角身蹙蹙然類蝥蟻人
或振觸之輒奮角而怒氣色桀驁一旦視之凝然弗
食弗動明日視之則蛻爲蝴蝶矣襜黑繡蒼分朱間
黃腹填而櫛綵織且長又明日往視則倚薄風露攀
緣草本聳空翅輕瞥然而去噫秀其外類有文也嘿
其中類有德也不明而遊類潔也無嗜而食類廉也
向使不知其爲橘之蠹人謂從鈞天帝居而來矣
明錢文薦蝶賦梁簡文帝與劉孝綽庾肩吾同遊後
園見從風蛺蝶雙飛花上徘徊忘憂逍遙寄况聊輟
芳醕願聞高唱誰爲宋玉作賦無讓孝綽乃避席而

起受簡而對曰何朽腐之變化乃體質之輕揚旣倚
風以含媚仍映日其流光每依草而依葉時尋艷而
尋香始乍遊夫樂境終漸入于醉香察鳥足之共類
審鳳子之同翔車飄飄其訝鬼夢栩栩以疑莊乘微
烟乎遠出遇細雨矣深藏雖無補于天地亦自適夫
莽蒼亮野蛾之堪賞惟閨秀之可方衣蹁躑而舞雪
粉遺落而成霜躡游羣其撲袂窺歌隊以採妝已諧
合于素侶况遭際乎青陽念嘉辰之貽蕩識暄晷之
舒長對流鶯而口吶逐乳燕其翅忙指柳色以導徑
認花心以爲房羌雙飛乎淑景勝獨處于空牀感蕩

子之易忽知思婦之難忘則有北里朱顏東隣皓齒
芳圃獨立雕闌斜倚莫解情性難窺嗔喜發爲歌聲
意有所指歌曰蛺蝶兮春園依砌兮繞垣盼佳期兮
掩長門心惆悵兮無言歌罷日薄掩嗔月升并幹物
色漸斂花陰將散卷簾影寂挑燈光粲爰命肩吾起
而爲亂亂曰南園春暖盛芳菲兮戲舞從風暮忘歸
兮常與花氣無睽違兮幸得美人繡羅衣兮

藝文二詩

梁簡文帝咏蛺蝶空園暮烟起逍遙獨未歸翠鬢藏
高柳紅蓮拂水衣復此從風蝶雙雙花上飛寄與相

知者同心終莫違

劉孝綽詠素蝶隨蜂繞翠蕙避

雀隱青薇映日忽爭起因風乍共歸出沒花中見參

差葉際飛芳華幸勿謝嘉樹欲相依 徐防賦得蝶

依草應令秋園花落盡芳菊數來歸那知不夢作眠

覺也恒飛 李鏡遠蛺蝶行青年已布澤微蟲應節

歡朝出南園裏暮依華葉端菱舟追或易風池渡更

難羣飛終不遠還向玉指蘭

北魏溫子昇咏花蝶素蝶向林飛紅花逐風散花蝶

俱不息紅素還相亂芬芬共襲予歲蕤徒可翫不慰

行客心遽動離居歎

唐白居易秋蝶秋花紫蒙蒙秋蝶黃茸茸花低蝶新
小飛戲叢西東日暮涼風來紛紛花落叢夜深白露
冷蝶已死叢中朝生夕俱死氣類各相從不見千年
鶴多棲百尺松 [李商隱咏蝶飛來繡戶陰穿過畫
樓深重傳秦臺粉輕塗漢殿金相兼唯柳絮所得是
花心可要凌孤客邀爲子夜遊] 又孤蝶小徘徊翩翩
粉翅開併應傷皎潔頻近雪中來又葉二復翻翻斜
橋對側門蘆花惟有白柳絮可能溫西子尋遺殿昭
君覓故村年年芳物盡來別敗蘭蓀又初來小院中
梢與瑣闌通遠恐芳塵斷輕憂艷雪融只知防浩露
不覺逆尖風迴首雙飛燕乘時入綺櫳] 又長眉畫了
繡簾開碧玉行收白玉臺爲問翠釵釵上鳳不知香
頸爲誰迴] 又壽陽公主嫁時妝八字宮眉捧額黃見
我佯羞頻照影不知身屬冶遊郎又廣陵臺畔日光
斜萬古貞魂倚暮霞莫許韓憑爲蛺蝶等閒飛上別
枝花 [王建晚蝶粉翅嫩如水繞砌乍依風日高山
露解飛入菊花中 [李賀謠俗上林蝴蝶小試伴漢
家君飛向南城去誤落石榴裙 [鄭谷趙林郎中席
上賦蝴蝶尋艷復尋香似閑還似忙暖烟沉蕙經微
雨宿花房書幌輕隨夢歌樓誤採粧王孫深屬意繡

入舞衣裳

〔吳融〕蛺蝶兩兩自依依南園烟露微佳

時須並住飛處要交飛草淺憂驚吹花殘惜晚暉長
教擷芳女夜夢逐人歸

〔羅隱〕蝶漢王刀筆精寫爾

逼天生舞巧何妨急飛高所恨輕野田黃雀慮山館

至人情此物那堪作莊周夢不成

〔盧頻〕蛺蝶行東

閣官草綠上下飛相逐君恩不禁春昨夜花中宿

徐賁蝴蝶縹緲青蟲脫殼微不堪烟重雨霏霏一枝

穠艷留教住幾處春風借與飛防患每憂雞雀口憐

香偏繞綺羅衣無情豈解關魂夢莫信莊周說是非

又拂綠穿紅麗日長一生心事住春光最嫌神女來

行雨愛伴西施去採香風定只應攢葢粉夜寒長是

宿花房鳴蟬宿分殊爲濶空解三繩噪夕陽

〔又〕不並

難飛繭裏蛾有花芳處定經過天風相送輕飄去却

笑蜘蛛漫織羅又冉冉雙雙拂畫闌佳人偷眼再三

看莫言短翼飛長近試向花間捉也難

〔又〕栩栩無因

繫得他野園荒徑一何多不聞絲竹誰教舞夜仗流

鶯又唱歌

〔李建勳〕蝶粉蝶翩翩若有期南園長是

到春歸閑依柳帶參差起困傍桃花獨自飛潛被燕

驚還散亂偶因人逐入簾幃晚來欲雨東風急迴看

池塘影漸稀

宋孔平仲蝴蝶行蝴蝶飛渡河來河北花已落河南
花正開盈盈採花女撲打還家去推身飛入粉奩中
芳草綿綿舊時路 [晏殊] 蛺蝶鶯欲綿蠻柳欲陰露
叢烟萼恣搜尋那將兩翅輕塗粉繞遍千花百卉心
[宋] 初蝶撲粉曾過宋玉墻一生身計託羣芳不須
長結束風願秋菊春蘭各有香 [王安石] 蝶翅輕于
粉薄于繒長被花牽不自勝若信莊周尚非夢豈能
投死爲韓憑 [黃庭堅] 蝶蝴蝶雙飛得意偶然畢命
網羅羣蟻爭收墜翼策勳歸去南柯 [蘇軾] 鬼蝶雙
眉卷鐵絲兩翅暈金碧初來花爭妍忽去鬼無跡

范成大秋日田園橘蠹如蠶入化機枝間垂繭似蓑
衣忽然蛻作多花蝶翅粉纔乾便學飛 [陸游] 春日

絕句故園蛺蝶最多種百草長時花亂開窮巷春風
元不到一雙誰遣過墻來又 [卽事] 烟雨淒迷晚不收
疎簾曲几寄悠悠一雙蛺蝶來何許點盡青青百草
頭又 [窻下戲詠] 何處青黃雙小蝶翩翩與我共徘徊

綠陰芳草佳風月不是花時也解來 [張至龍] 弔蝶
數日偎紅氣力慵化成長夢別東風却憐蟻爲埋香
玉昇入殘花土穴中 [葛天民] 玩蝶粉翅來何許春
風卒未休衆芳皆舊識微雨是新愁鬪舞圍墻角貪

香綴蕊頭與花俱不語相可自風流
〔楊萬里觀物〕
化蝴蝶新生未解飛鬚拳粉濕睡花枝後來借得風
光力不記如癡似醉時
〔李方叔秋蝶〕粉蝶爾何知
秋深尚戲飛憐渠迷節物猶若弄春暉露葉今非昔
霜叢疇可依籬邊菊無幾薄命寄餘菲
〔汪莘籬陰〕
籬陰雙蝶趁春暉輕展新黃試舞衣點草撲花如得
意因何相逐背人飛
〔蔡襄書事和韓子華舍人見〕
憑蝴蝶過牆飛却夢翩然入綺幃欲撲翅輕縈不住
覺時疑有粉沾衣
〔林逋蝶〕細眉雙聳敵秋毫冉冉
芳園日幾遭清宿露花應自得暖爭風絮欲相高情

人沒後魂猶在傲吏齊來夢亦勞閑掩遺編如有恨
不并香草入離騷
〔張維玉蝴蝶花〕雪朶中間蓓蕾
齊驟開猶覺繡工遲品高多說瓊花似曲妙誰將玉
笛吹散舞不休零晚樹團飛無定撼風枝漆園如在
須爲夢若在藍田種更宜
〔何應龍粉蝶〕宿粉栖香
樂最深暫依芳草避春禽晚來風起還無定舞入梨
花何處尋
〔張方平蝶〕遲景融融暖氣浮中園曲密
小庭幽春風故引顛狂甚芳樹相容爛熳遊不慣風
流輸楚女懶將身世問莊周有時潛見多情處每遇
王孫盡日留
〔賈蓬萊咏蝶〕薄翅疑香粉新衣染媚

黃風流誰得似兩兩宿花房
〔葉紹翁野蝶銀爲鬚
翅粉爲肌驅役東風不解肥桃李上林無分到可憐
却傍菜花飛〕

〔金〕李俊民蝶元從生處樂肯向死前休花底人間世
如何不夢周又轉首一場夢驚心三月春揚揚枝上
蝶不見惜花人
〔朱瀾黃筌雀蝶飢雀喧爭蛺蝶孤
錦宮城闕見丘墟老筌妙意誰知解丹粉圖中有諫
書〕

〔元〕謝宗可睡蝶不趁遊蜂上下狂閒舒倦翅怯尋芳
花房舞罷春酣重蕙徑棲遲曉夢長貪困有誰憐褪
粉返魂無力去偷香漆園傲吏忘形久莫到蘧蘧枕
上忙又蝶使頒紅降紫繞芳菲催就東風錦萬機採
訪有心香外舞指揮無計日邊飛曉穿竹徑應持節
暖住花房欲繡衣可解黃花驚別夢折梅休恨寄難
歸
〔貢〕師泰新蝶杏樹生香蠹化成向人飛下不勝
情寒辭薄翅猶粘粉暖溢柔鬚始弄晴燕舞盤中嫌
露重鶯歌扇底避風輕春闈未解南華夢乞與滕王
爲寫生
〔陳〕樵蝶禁籞各園信所之深紅膩紫共春
暉人疑落葉有生色我道飛花上故枝掌上艷姬垂
袖舞屋頭故吏竊香歸花中只許秦宮活未必莊生

入夢思

〔鄭元祐〕花蝶謠花魂迷春招不歸夢隨蝴

蝶江南飛碧蕤粉香酣不起臥帖芳茵唾鉛水癡娥
眼嬌錯驚顧解裙戲撲沾零露折釵搔首笑相語阿
誰芳心同栩栩頽雲流光空影寒冰波緘恨啼闌干

〔趙孟頫〕萱草蛺蝶圖叢竹無端綠幽花特地妍飛
來雙蛺蝶相對意悠然 〔戴表元〕蝴蝶春山處處客

思家淡日村烟酒旆斜蝴蝶不知人事別繞牆閑弄

紫藤花

〔張翥〕題吳性存所藏趙仲穆竹枝雙蝶圖

與玉山同賦滿叢鮮碧露團香院落春紅過野芳蛺
蝶一生花裏活飛來還戀竹風涼 〔顧瑛〕題吳性存

所藏趙仲穆竹枝雙蝶圖閣道春風度湘簾夜月初

多情雙蛺蝶也解逐羊車 〔張憲〕竹蝶圖落盡春紅

春夢熟平沙小苑牕中綠美人睡起背東風蛺蝶飛

來上修竹

〔虞集〕畫雙蝶舞罷庭花落池邊看睡鳥

無端雙蛺蝶飛上繡羅襦 〔劉因〕百蝶圖芳草具百

種幽花散紅翠道人觀物心一一見春意 〔王惲〕黃

筌蜂蝶圖翅粉翻香卷鐵鬚亭亭花影小華胥黃生

筆底留深思似與齊邱釋化書又鳳輦隨渠卽幸臨

隔花望斷翠嬪心春風上下撲不得飛過畫闌情更

深又滕王蟻蝶圖槐壞紛紛事暫歡枕中栩栩伴周

閑丹青欲識滕王意須著人間比夢閒又粉香金翠
夢能甜細寫春悰入筆尖却恐尋香飛便去六宮爭
下水精簾 〔潘純題趙子固蕙花蛺蝶圖〕江上青山
日欲晡幽花小紙墨模糊華清宮殿生秋草零落滕
王蛺蝶圖 〔呂誠題萱蝶圖〕堂前萱草散滿地朶朶
幽花也可憐絕愛篔簹相映帶生憎蛺蝶舞留連
方外馬臻蝶曾隨秦女踏青陽幾被鶯梢出建章芳
草夢寒迷碧色杏花雨細宿紅香粉凝薄翅春無力
恨入修眉晚斷腸寄語莫尋歌舞處五侯門第有高
墻

明高啟美人撲蝶圖花枝揚揚蝶宛宛風多力薄飛
難遠美人一見空傷情舞衣春來繡不成乍過簾前
尋不見却入深叢避鶯燕一雙撲得和落花金粉香
痕滿羅扇笑看獨向園中歸東家西家休亂飛 〔楊
基〕秋日舟中見蝶趁暖戲晴川依人上畫船粉銷烟
翅薄香冷露鬚拳野菜疎籬外山花小徑邊夜深桃
李夢猶在綺羅筵 〔瞿佑〕黃蝶誤入蜂房不待媒巧
傳顏色換凡胎繞籬野菜留連住何處金錢變化來
傅粉已知前事錯偷香未信此心灰上林鶯過頻回
首一色毛衣莫用猜又殘蝶飛鳥曾聞載鬼車粉香

何事亦隨邪傷生不惜身投火抵死猶將命乞花望
帝精靈枝上血韓憑魂魄墓前沙一般有恨難消滅
夢裏相逢更可嗟 [沈天孫睡蝶一夜和風遍海棠
家園蝴蝶拂柔桑飛隨芳樹霞衣好倦宿琪花粉夢
香似與名麩分艷色不堪秋露濕衣裳因風又度雕
闌去却伴游絲過石梁 [劉渙秋蝶欲歇還休却又
飛芙蓉葉底戀秋暉自知翅粉渾銷盡羞近尊前舞
女衣 [袁凱新蝶怯露依芳蕙驚風入繡緯莫將羅
裏撲更待滿園飛 [李東陽畫蝶度竹穿花處處心
暖風晴浪影浮沉亦知春去無多日猶在花叢與竹

陰

[張鳳翼題蛺蝶花上蛺蝶蝶解傳花魂花能引

蝶來蝶疑雙宿影花作並頭開

[徐渭扇中雙蝶春

至百花繁名園蛺蝶翻美人將扇撲搦得一雙痕

梁辰魚紈扇朝來兩蛺蝶分宿花房雨紈扇亦多情

拂爾雙飛去

[沈周自題莊周夢蝶圖莊生苦未化

托此夢中蝶我畫夢中夢浮世寓一霎

[蔡羽蛺蝶

篇西園蝶叢叢映花葉十五佳人二八妾鴛鴦帶長

芳草貼妾面如花步輕捷粉蝶紛紛上眉頰長安踏

青天氣和千叢萬叢情緒多蹴得遊絲落釵翠牽來

草露濕衣羅遊絲亂草露長美人欲行空斷腸綠潭

紫澗迴花房銀錢鎖碎雜柘黃飛入桃李花落地亦
成香花落留胭脂蝶香無斷時相邀入羅扇起舞顰
蛾眉眉轉低草轉碧日暮江天欲何適梁園應有未
歸人章臺豈少思家客思家未歸春已殘悠悠蛺蝶
空合歡芳草年年成永歎 〔王侑題美人撲蝶圖爲
惜韶華去春深出繡幃撲將花底蝶祇爲妬雙飛
外〕道衍秋蝶粉態凋殘抱恨長此心應是怯淒涼如
何不管身憔悴猶戀黃花雨後香 〔名〕朱妙端秋日
見蝶江空木落雁聲悲霜染丹楓百草萎蝴蝶不知
春是夢又隨秋色上寒枝

五代唐毛文錫紗窓恨雙雙蝶翅塗鉛粉啞花心綺
牕繡戶飛來穩畫堂陰 二三月愛隨風絮伴落花
來拂衣襟更剪輕羅片傳黃金

宋歐陽修望江南江南蝶斜日一雙雙身似何郎全
傳粉心如韓壽愛偷香天賦與輕狂 微雨後薄翅
膩烟光纔伴遊蜂來小苑又隨飛絮過東墻長是爲
花忙又玉樓春南園粉蝶能無數度翠穿紅來復去
倡條冶葉恣留連飄蕩輕于花上絮 朱閏夜夜風
兼露宿粉淒香無定所多情翻却似無情贏得百花
無限妬 〔張泌蝴蝶兒〕蝴蝶兒晚春時阿嬌初着淡

黃衣倚牕學畫伊 還似花間見雙雙對對飛無端
和淚拭臙脂惹教雙翅垂 劉基傳言玉女爲問韓
憑何事化爲蝴蝶妬風羞雨一身輕似葉園苑晝永
麗日晴烟相接舞回柳眼拍翻花頰 殢粉迷香困
耐猶自未愜錦雲深處更愁濃露浥何況素秋枝上
曉霜披鬣祗因無奈翠銷紅壓 楊慎玉蝴蝶詞賦
楊生園有蘭名玉蝴蝶蝴蝶不隨春去玉瑛瑤蕊猶
自娟娟瀟灑水邊林下洗淨朱鉛嫦娥來梁園月下
青女降楚畹霜前更山陰婆娑一老觴詠羣賢 當
年紫莖綠葉細華擁佩故事陳篇何似今宵長歌石
磴瀉紅泉醉歸去香攜滿袖似相逢解佩江仙散塵
緣猗猗一曲瓊軫冰絃

春駒小譜卷上

春駒小譜卷下

鮑廬道人述

散藻一賦

晉郭璞客傲臯壤為悲欣之府蝴蝶為物化之器

梁簡文帝箏賦若夫鈞竿復發蛺蝶初揮吳均吳城

賦不見春荷夏槿惟聞秋蟬冬蝶

周庾信行雨山銘天絲劇藕蝶粉多塵

隋蕭大園竹花賦游蜂集而銜蕊戲蝶飛而帶英

唐太宗小山賦纔有力以勝蝶本無心而引鶯徐

充容奉和御製小山賦蝶留粉于巖端蜂尋香于嶺

際 王勃春思賦 春蝶參差命儔侶春鶯綿蠻思羽
翼 敬括蜘蛛賦 彼蒼蠅今則營營而見繫此粉蝶
今亦栩栩而就拘 李邕春賦 蝶栩栩兮夢感鳥嚶
嚶兮思存 王延齡夢遊仙庭賦 豈莊周夢爲蝴蝶
蝴蝶夢爲莊周歟 盧肇湖南觀雙柘枝舞賦 帽瑩
隨蛇熠熠芝蘭之露裾翻莊蝶翩翩獵蕙之風 高
無際漢武帝後庭鞦韆賦 一去一來鬪舞空之花蝶
雙上雙下亂晴野之虹蜺 盧照隣作雙槿樹賦 遊
蜂戲蝶封其萼輕烟弱霧結其條 康子玉瓜賦 細
雨流風每飄飄兮葉上游蜂戲蝶時歷亂于花前

張何蜀江春日文君濯錦賦 戲蝶時遶嬌鶯欲弄

韓伯庸幽蘭賦 空牽戲蝶拂花蕊之翩翩未遇來人

尋芳春而採折 李君房海人獻文錦賦 蝶翩翩而

誤起鳥盼睞以驚迴 皮日休桃花賦 又若嫦娥欲

奔明月蝶散蜂寂當閨脉脉 陸龜蒙柳李花賦 蝶

善舞而相掠鶯能言而見欺 又中酒賦 笑莊周子化

爲蝴蝶實是憑虛 又書帶草賦 粉蝶留連真謂羽陵

之蠹 闕名駕幸芙蓉園賦 紫禁彤庭今二月春戲

蝶流鶯兮百處新 又述聖賦 舞蝶遊絲帶清颯而散

影分花交柳映碧浪而成文 又蒲蘆賦 化形如蝶旣

以忘于神遷委蛻若蟬信難窮于天理

宋歐陽修憎蒼蠅賦孔子何由見周公于髣髴莊生

安得與胡蝶而飛揚黃庭堅煎茶賦不游軒后之

華胥則化莊周之蝴蝶晏殊中園賦護臺香而蝶

亂聚嗟蜜以蜂喧李綱梅花賦鶯語方鶯蜂蝶未

喧田錫菊花枕賦漆園吏傲空懷化蝶之鄉張

問瓊花賦聚八仙之殊種玉蝴蝶之別族外方葛長

庚紫元賦蝴蝶栩栩兮剖藩籬而大通

元陳樵迎華觀瑞蓮賦朱鷺將飛而目成媚蝶接影

而相逐又瑞蓮賦繞蝶圍蜂量花以谷任士林鳳

花賦吾亦蝶我之俱化歌楚詩之商聲郝經瓊花

賦噴蕊蝶于花心引輕絲而不狂

明楊慎雁來紅賦殘蝶留連而驚豔胡蜂躑躅而疑

香葉憲祖捶錢賦若風前之榆莢兮零落而何依

似禁中之蝶翅兮彫傷而孰護翁正春讀秘閣藏

書賦鶯聲睨睨蝶影徜徉蘭倚倚其逞秀蓮冉冉以

含香胡儼滕王閣賦桑采采之黃花空蛺蝶兮相

栩穆文熙逍遙園賦蘧蘧兮蝶夢擾擾兮浮漚

徐世溥懷芳草賦紛迷蝶夢逞誘蜂眩鄧雲霄綠

槐賦紅雨殘胡蝶之夢綠陰老鷓鴣之天又漱玉齋

賦傲羲皇對蒙莊遊于枕竅化蝶同翔 〔桑悅鼠賦〕

隍中不迷難尋列子之鹿園內未經奚化莊周之蝶

〔陳子龍幽草賦〕鸚鵡空啄蝴蝶頻移 〔張鳳翼菊〕

花賦於戲魏紫姚黃牽蜂引蝶 〔楊憲祖池上四時〕

圖賦草香蝶舞花鳴鳥歌 〔唐寅嬌女賦〕口輔良而

蝶翅輕暈鼻端中而恒月沐波又金粉福地賦蝴蝶

以胭脂作隊玉樹以芙蓉為蕊 〔吳綺鬪蟋蟀賦〕于

是此詡蜘蛛彼誇蝴蝶 〔顧大韶又後蝨賦〕絡緯促

織蜻蜓蝻蝻螢飛蝶舞助人為娛 〔黎遂球素馨賦〕

譬游蜂之出房若舞蝶之鑽叢 〔賀裳蠟梅花賦〕憐

林樾之蕭條更裁蝶幔怨芳菲之銷歇獨愧蜂糧

烏斯道春草賦飛采芳之蛺蝶集點水之蜻蜓 〔張〕

明弼別淚賦似蝶影之縈絲恍鶯聲之雜雨 〔袁尊〕

尼夢遊春賦綺羅灼爍兮分桃李之韶顏金粉續紛

兮逐蜂蝶之飛影

散藻二詩

宋謝朓花叢亂數蝶風簾人雙燕

梁武帝花塢蝶雙飛柳堤鳥百舌又飛飛雙蛺蝶低

低兩差池又飛蝶雙復雙此心人莫知簡文帝叢

臺可憐妾當牕望飛蝶又翻階蛺蝶戀花情又未驗

周爲蝶安知人作魚又竹水俱蔥翠花蝶兩飛翔又

花留蛺蝶粉竹翳蜻蜓珠又落花隨燕入游絲帶蝶

驚又影前花照耀香裏蝶徘徊又蝶颺縈空舞燕作

同心飛又鹽飛亂蝶舞花落飄粉奩又蝶黃花紫燕

相追元帝七彩隋珠九華玉蛺蝶爲歌明星曲又

戲蝶時飄粉風花乍落香 [王僧孺] 翩翩蝶粉泣

望蜘蛛絲 [王筠] 叢蘭已飛蝶楊柳半藏鴉 [劉孝

威] 蝶濡飛不揚花沾色更紅 [何遜] 黃鸝隱葉飛蛺

蝶縈空戲

陳張正見艷粉驚飛蝶紅粧映落花 [又] 綿蠻弄清綺

蛺蝶遶承華

魏温子昇花蝶俱不息紅素還相亂

周庾信雖言夢蝴蝶定自非莊周

隋楊休之蝴蝶映花飛楚雀緣條響

唐太宗鶯啼密葉外蝶戲晚花心 [高宗] 蝶舞袖香

新歌分落素塵 [又] 綵蝶黃鶯未歌舞梅香柳色已矜

誇 [昭宗] 蝶舞梨園雪鶯啼柳帶烟 [楊師道] 蘭叢

有意飛雙蝶 [上官儀] 花蝶來未已山光暖將夕 [又]

殘紅艷粉映簾中戲蝶流鶯聚牕外 [又] 花輕蝶亂仙

人杏葉密鶯啼帝女桑 [盧照隣] 蝶戲綠苔前鶯歌

白雲上 [又] 啼花戲蝶千門側碧樹銀臺萬種色 [宋]

之問飛花隨蝶舞艷曲伴鶯嬌 [王勃] 疎蝶舞成行

[李嶠] 蝶影將花亂虹文向水低 [又] 蝶遊芳徑馥鶯

嘒弱枝新 [劉憲] 晴新看蛺蝶夏旱摘芙蓉 [崔知

賢] 花飄粉蝶藻躍文魚 [韓仲宣] 歌鶯響樹舞蝶驚

花 [駱賓王] 蝶影亂芳叢又舞蝶臨階祇自舞又有
蝶堪成夢無羊可觸藩 [武三思] 鳥吟千戶竹蝶舞
百花叢 [郭震] 艷拂衣襟蓋拂杯繞枝閑共蝶徘徊
[李適] 舞蝶飛行飄御席歌鶯度曲繞仙杯 [劉希
夷] 花際徘徊雙蛺蝶池邊顧步兩鴛鴦 [陳子昂] 蛺
蝶憐紅藥蜻蜓愛碧潯 [沈佺期] 苑蝶飛殊懶宮鶯
嚙不疎 [蕭至忠] 新晴看蛺蝶早夏摘芙蓉 [鄭愔]
百草香心初冒蝶千秋嬾葉始藏鶯又風吹數蝶亂
露洗百花鮮 [徐延壽] 坐望牕中蝶起攀枝上葉
萬齊融素影沉沉對蝶飛金沙礫礫窺魚泳 [祖詠]

葉暗朱櫻熟絲長粉蝶飛 [李欣] 蝶繞西枝露風披
東幹陰 [綦母潛] 魂交仙室蝶曙聽羽人雞 [儲光
羲] 淺瀨寒魚少藜蘭秋蝶多 [常建] 石榴裙裾蛺蝶
飛見人不語顰蛾眉 [孟浩然] 花落草齊生鶯飛蝶
雙戲 [李白] 春風爾來爲阿誰蝴蝶忽然滿芳草又
八月蝴蝶來雙飛西園草又莊周夢蝴蝶蝴蝶爲莊
周又南園綠草飛蝴蝶 [韋應物] 紫叢蝶尚亂依閣
鳥猶喧又叢疎露始滴芳餘蝶尚留 [張謂] 崢嶸洲
上飛黃蝶 [李嘉祐] 夢蝶留清簟垂貂坐絳紗 [包
何] 幾處折花驚蝶夢數家留葉待蠶眠 [高適] 蝶舞

園更閉雞鳴日云夕
〔杜甫〕風輕粉蝶喜花暖蜜蜂
喧〔又〕燕外晴絲卷鷗邊水葉開
又沙晚低風蝶天晴
喜浴鳧〔又〕野畦連蛺蝶江檻俯鴛鴦
又藹藹花藥亂
飛飛蜂蝶多〔又〕花羅封蛺蝶瑞錦送麒麟
又風蝶勤
依漿春鷗嬾避船〔又〕花妥鶯捎蝶
溪喧獺趁魚〔又〕娟
娟戲蝶過閑幔片片輕鷗下急湍
又俱飛蛺蝶元相
逐並蒂芙蓉本自雙〔又〕穿花蛺蝶深深見
點水蜻蜓
款款飛〔又〕留連戲蝶時時舞自在
嬌鶯恰恰啼
〔賈
至〕舞蝶縈愁緒繁花對靚妝
〔錢起〕蝴蝶晴還舞黃
鸝晚暫吟〔又〕羨君花下酒蝴蝶夢中飛
又寄言莊叟

蝶與爾得天真〔又〕蝴蝶弄和風
飛花不知晚〔又〕蝴蝶
舞留我仙雞閑傍籬
又往往幽人尋水見時時仙蝶
隔雲來〔又〕雲棟絲虹宿藥圃
蝴蝶飛〔又〕舞衫招戲蝶
歌扇隔啼鶯〔又〕蝴蝶晴連池
岸草黃鸝晚出柳園花
〔耿滄〕終慙異蝴蝶不與夢魂通
〔戎昱〕鮮紅未許
佳人見蝴蝶爭知早到來
又得出塞垣飛不如彼蝴蝶
〔竇常〕繞繞時縈蝶關關乍引禽
〔戴叔倫〕夢遠
愁蝴蝶情深愧鶴鴒
〔盧綸〕綵蝶戲芳圃瑞雲凝翠
屏
〔王表〕晴光來戲蝶夕景動棲禽
〔李端〕臥龍髯
乍磔栖蝶腹何使
又莫遣佳期過看看蝴蝶飛
又遊

蜂高更下驚蝶坐還起又且聞童子是蒼蠅誰謂莊
生異蝴蝶元友直斷續遊蜂聚飄颻戲蝶輕楊
凝鶯銜蝶弄紅芳盡此日深閨那得知司空曙暗
入蟬鳴樹微侵蝶繞蘭又野蝶難爭白庭榴暗讓紅
又寒龜登故葉秋蝶戀疎藜又傍簷蟲挂靜出樹蝶
飛高又綠岸草深蟲入徧青藜花盡蝶來稀又黃花
寒後難逢蝶紅葉晴來忽有蟬王烈雪飛當夢蝶
風度幾驚人王建幽花宿含彩早蝶寒弄翅又每
度暗來還暗去今年須遣蝶遲留又內中數日無呼
喚榻得滕王蛺蝶圖又舞蝶落花相覓著春風共語

亦應難又鴛鴦比翼人初帖蛺蝶重飛樣未傳又杏
花壇上授書時不廢中庭趁蝶飛又蝴蝶蝴蝶飛上
金枝玉葉于鵠蕊焦蜂自散蒂折蝶還移又秦女
窺人不解羞攀花趁蝶出墻頭武元衡空餘蝴蝶
夢迢遞故山歸權德輿日抱漢陰甕或成蝴蝶夢
又風前蕩颺雙飛蝶花裏問關百轉鶯又鶯藏密葉
宜新霽蝶繞低枝愛晚暉又龐眉倚杖禪僧起輕翅
縈枝舞蝶來又鴻飛滅處目猶送蝶舞閑時夢忽成
羊士諤無心惟有白雲知閑臥高齋夢蝶時楊
巨源暮色無狂蝶秋華有嫩疏又深處最憐鶯跡踐

懶時先被蝶侵凌 〔令狐楚〕雜花飛爛熳連蝶舞徘徊
 徊又小苑鶯歌歇長門蝶舞多 〔裴度〕亂蝶憐疎蕊
 殘鶯戀好枝 〔韓愈〕露螢不自暖凍蝶尚思輕 〔陳
 羽〕庭花紅遍蝴蝶飛看郎佩玉下朝時 〔劉禹錫〕晴
 雲遙蓋覆秋蝶近悠揚又鵲噪晚禾地蝶飛秋草哇
 又歌枕醉眠成戲蝶抱琴閑望送歸鴻又寂寞孤飛
 蝶窺藜覓晚花 〔陳通方〕戲蝶香中起流鶯暗處喧
 〔孟郊〕遊蜂不飲故戲蝶亦爭新 〔張籍〕竹涼蠅少
 到藤暗蝶爭潛又晴明猶有蝶涼冷漸無蟬又舞愛
 雙飛蝶歌聞數里鶯 〔李賀〕江頭檣樹香岸上蝴蝶

飛〔又〕蝶棲石竹銀交關水凝綠鴨琉璃錢又晚樹迷
 新蝶殘蛺蝶憶斷虹又上林蝴蝶小試伴漢家君又東
 家蝴蝶西家飛白騎少年今日歸又弄蝶和輕妍風
 光怯腰身又蝶飛紅粉臺柳掃吹笙道 〔元稹〕晚花
 狂蛺蝶殘蒂宿茱萸又有夢多為蝶因蒐定作態又
 蜻蜒憐曉露蛺蝶戀秋花又却成雙翅蝶還繞庫花
 叢又新筍踣犀株落梅翻蝶翅又空際颺高蝶風中
 聆素琴又蝶舞香暫飄擊牽蕊難正又燕狂捎蛺蝶
 螟挂集蒲盧 〔白居易〕林幽不逢人寒蝶飛翾翾又
 繞冢秋花少顏色細蟲小蝶飛翻翻又夢遊信意寧

春風詩集卷一
殊蝶心樂身閑便是魚又翩翩舞袖雙飛蝶宛轉歌
聲一索珠又蝶戲爭香朵鶯啼選穩枝又絮縈驄馬
尾蝶繞繡衣花又蝶雙知伉儷蜂分見君臣又鹿疑
鄭相終難辨蝶化莊生詎可知王起戲蝶未成夢
嬌鶯語更誇劉言史蝶惜芳叢送下山尋斷孤香
始回去又借問流鶯與飛蝶更知何處有幽花長
孫佐輔主人聞語未開門遶籬野菜飛黃蝶雍裕
之蝶猶迷剪翠人豈辨裁紅莊南傑芳草綿延鎖
平地墮蝶雙雙舞出翠李廓初蟬數聲起戲蝶一
團飛李紳新藥度香翻宿蝶密房飄影戲晨禽

鮑溶雙鶯銜野蝶枝上教雛飛姚合移花兼蝶至
買石得雲鏡又驚蝶遺花藥游蜂帶蜜香又鳥啼三
月雨蝶舞百花風又桂花風畔落烟草蝶雙飛又舞
愛雙飛蝶歌聞百轉鶯又酒醒鶯啼裏詩成蝶舞前
又迎風鶯語澀帶雨蝶飛難又弄日鶯狂語迎風蝶
倒飛又嬌鶯語足方離樹戲蝶飛高始過墻殷堯
藩蝶飛秦地草鶯入漢宮花沈亞之爲報東園蝶
南枝日已曛張祐舞爲蝴蝶夢歌謝伯勞飛又杜
鵑魂厭蜀蝴蝶夢悲莊又月隱仙娥艷風殘夢蝶揚
杜牧小叢初散蝶高柳卽聞蟬又蘭徑飛蝴蝶筠

籠語翠襟又夢寐幾回迷蛺蝶文章應解伴牢愁又
風吹柳帶搖晴綠蝶遶花枝戀暖香 〔呂羣願爲蝴
蝶夢飛去覓關中 蔣防〕化蝶誠知幻微蘭匪勢真
〔願非能〕近霜須苦惜帶蝶更宜看 〔朱慶餘蝶散
紅蘭外螢飛白露間〕又蝶飛逢草住魚戲見人沉又
粉著蜂鬚膩光凝蝶翅明 許渾蝶影下紅藥鳥聲
喧綠蘿又燕飛驚蛺蝶魚躍動鴛鴦又露重螢依草
風高蝶委蘭又林晚鳥爭樹園春蝶護花 〔李商隱
燕來從及社蝶舞太侵晨〕又影響輪雙蝶偏過舊曉
蘭又欲爭蛺蝶輕未謝柳絮疾又絮飛藏皓蝶帶弱

露黃鸝又秋蝶無端麗寒花只暫香又屏緣蝶留粉
牕油蜂印黃又空餘雙蝶舞竟絕一人來又但覺游
蜂饒舞蝶豈知孤鳳憶離鸞又舞蝶殷勤收落蘂佳
人惆悵臥遙帷又莫訝韓憑爲蛺蝶等閒飛上別枝
花又稍稍落蝶粉班班融燕泥又小闌花盡蝶靜院
醉醒蛩又流鶯舞蝶兩相欺不取花芳正結時又露
花絡裊濕風蝶強嬌饒又鶯能歌子夜蝶解舞宮城
又孤蝶小徘徊翩翩粉翅開又浦冷鴛鴦去園空蛺
蝶尋又青陵粉蝶休離恨長定相逢二月中又紅露
花房白蜜脾黃蜂紫蝶兩參差又何處拂胸資蝶粉

幾時塗額藉蜂黃又枕寒莊蝶去窻冷亂螢銷又花
房與蜜脾蜂雄蛺蝶雌又天桃惟是笑舞蝶不空飛
又斜門穿戲蝶小閣鎖飛娥又花鬚柳眼各無賴紫
蝶黃蜂俱有情又蝶銜紅藥蜂銜粉共助青樓一日
忙又莊生曉夢迷蝴蝶望帝春心託杜鵑又戰功高
後數文章憐我秋齋夢蝴蝶又憶得蛟絲裁小卓蛺
蝶飛迴木綿薄薛逢王孫草上悠揚蝶少女風前
漫爛花雍陶荒簷數蝶懸蛛網空屋孤螢入燕巢
又澹蕩春風滿眼來落花飛蝶共裴回喻鳧迴低
飛蝶翅寒滴語禽身趙嘏杜鵑魂厭蜀蝴蝶夢悲

莊

蒯希逸蟾蜍醉裏破蛺蝶夢中殘

黃頰林間

鶯欲轉花下蝶微飄

馬戴魏宮歌舞地蝶戲鳥還

鳴

李羣玉水蝶巖蜂俱不知露紅凝豔數千枝

賈島霜蹊猶舒英寒蝶斷來踪又相思蟬幾處偶坐

蝶成羣又楚城花未發上苑蝶來新溫庭筠門靜

人歸晚墻高蝶過遲又院裏鶯歌歇墻頭蝶舞孤又

蝶高飛有伴鶯早語無雙又葉多勞蝶翅香酷墜蜂

鬚又靜應留得蝶繁欲不勝鶯又蝶翎朝粉盡鴉背

夕陽多又花房透露紅珠落蛺蝶雙飛護粉塵又春

來多少傷心事碧草侵堦粉蝶飛又小苑有門紅扇

開夫絲舞蝶共徘徊又殘芳荏苒雙飛蝶曉睡朦朧
百轉鶯又雲髻幾迷芳草蝶額黃無限夕陽由又粉
蝶團飛花轉影彩鴛雙泳水生紋又蜂喧蝶駐俱悠
揚柳拂赤欄纖草長又蜂爭粉蘂蝶分香不似垂楊
惜金縷溫庭皓雪繁鶯不識風裊蝶空迴段成
式擲履仙鳧起捲衣蝴蝶飄又翠蝶密偎金又首青
蟲危泊玉釵梁于武陵桂花風半落烟草蝶雙飛
又記得花開雪滿枝和蜂和蝶帶花移李郢青蛇
上竹一種色黃蝶隔溪無限情曹鄴蛺蝶空中飛
天桃庭下春于濇寒蝶戀衰草軫我離鄉心又花

開蝶滿枝花落蝶還稀公秉億蘂逐蜂鬚亂英隨
蝶翅斜林寬葉底遲歸蝶林中滯出鶯皮日休
蝶欲試飛猶護粉鶯初學轉尚羞簧又黑蛺蝶粘蓮
蘂紅蜻蜓裊菱花又紅芳掩斂將迷蝶翠蔓飄飄欲
挂人又異蝶時似錦幽禽或如鈿又舞蝶傍應酣啼
鶯聞亦醉又惜春狂似蝶養病躁于猿又秋花如有
恨寒蝶似無慘又金鳳欲爲鶯引去鈿蟬疑被蝶勾
將陸龜蒙花飛蝶駭不愁人水殿雲廊別置春又
願此作幽蝶得隨花下賓又人間縱道鉛華少蝶翅
新篁未肯無又暗得蝴蝶身幽期盡相識司空圖

蜂蝶繞來忙繞袖似知教折送鄰家又菊開猶阻雨
照意切于人又小蝶爾何競追飛不憚勞又夕陽似
動陶家菊黃蝶無窮壓故枝又菊殘深處迴幽蝶陂
徊晴光下且鴻又開却一枝開却盡且隨幽蝶更徘徊
本又籬頭應是蝶相報已被鄰家攜酒來張賁百
水敗荷魚不動一枝寒菊蝶空迷李弘茂甜于泉
凝茶須信狂似楊花蝶未知李山甫怪來鶯蝶似
泐愁不覺看花蹙濕頭李咸用魚殘沙岸草蝶寄
支流槎又困纔成蝶夢行不待雞鳴又嘗來縱使重
聯枕蝴蝶寂寥空掩關又橫空絡繹雲遺屑撲浪翩

蝶蝶寄槎

方王舞蝶似隨歌拍轉游人只怕酒杯

乾又舞袖低徊真蛺蝶朱唇深淺假櫻桃又蝶舞搖

風藥鶯啼含露枝又閑花半落猶迷蝶白鳥雙飛不

避人羅鄴時逢舞蝶尋香至少有行人鞍權攀

羅隱草濃延蝶舞花密教鶯啼又蝴蝶有情牽晚夢

杜鵑無賴伴春愁章碣魚啣嫩草浮池面蝶稱飛

花到酒邊唐彥謙亂蝶寒猶舞驚鳥暝不栖又小

園花盡蝶靜院酒醒蛩又雪菊金英兩斷腸蝶翎蜂

鼻帶清香又晚蝶飄零驚宿雨暮鴉凌亂報秋寒又

天風颼颼葉栩栩蝴蝶聲乾作晴雨又多情驚起雙

蝴蝶飛入巫山夢裏來
周朴多情舞蝶穿花去解

語流鶯隔水聞
黃巢颯颯西風滿院裁藥寒香冷

蝶難來
鄭谷香屬登龍客烟籠宿蝶枝又豔和蜂

蝶動香帶管絃聞
又道暢應爲蝶時來必問牛又節

去蜂愁蝶不知曉庭還繞折殘枝
又一枝低帶流鶯

睡數片狂和舞蝶飛
又時態嬾隨人上下花心甘被

蝶分張
崔塗蜂蝶無情極殘香更不尋又蝴蝶夢

中家萬里子規枝上月三更
楊發從今北牕蝶長

是夢中身
韓偓碧玉眼睛雲母翅輕于粉蝶瘦于

蜂又蜂黃蝶粉兩依依
狎客臨春日正遲
吳融願

作南華蝶翩翩繞此條
又蟾蜍正向清夜流
蛺蝶須

教墮絲骨
又蛺蝶狂飛掠芳草鴛鴦穩睡翹暖沙

吳仁璧香紅嫩綠正開時
冷蝶飢蜂兩不知
翁承

贊蝴蝶流鶯莫先去
滿城春色屬羣仙
楊乘愁夢

全無蝶離憂
每愧萱
名媛文德皇后花中來去看

舞蝶
魚玄機應爲價高人不問
却緣香甚蝶難親

李冶深處最宜香
惹蝶摘時兼恐焰燒香
方外

寒山隈墻弄蝴蝶
臨水擲蝦蟆
皎然蝶舞鶯歌喜

歲芳柳絲裊裊蕙帶長
常達禪心清石室蝶翅覆

花英
懷楚常聽倉庚思舊友
又因蝴蝶夢生涯

賈休蠶娥爲蝶飛，僞葉空滿枝。又蘇合晝氤氳，天花似飛蝶。
齊己採去蜂聲遠，尋來蝶路長。

吳越失姓名，人蝶下粉墻。梅乍折蟻浮，金竿酒難乾。
又看時人步澁展，處蝶爭來。又拂戶初疑粉蝶飛，看山又訝白鷗歸。
又紅能柔綠，能軟濃淡參差相宛轉。舞蝶雙雙誰喚來，輕綃片片何人剪。
又蜂蝶續紛抱香藥，錦鱗跳擲紅雲尾。

五代韋莊春欲晚，戲蝶游蜂花爛漫。又巡街趁蝶衣，裳破上屋探雛手脚輕。
又記得初生雪滿枝，和蜂和蝶帶花移。又幽蘭報暖紫芽折，天花愁艷蝶飛迴。又

旅夢亂隨蝴蝶散，離魂漸逐杜鵑飛。王貞白自秉

雪霜操，任他蜂蝶嫌。李建勳拂簷拖地對前墀，蝶

影蜂聲爛漫時。徐夔鍾儀冠帶歸，心阻蝴蝶飛園

萬草芳。又青蟲也學莊周夢，化作南園蛺蝶飛。殷

文圭出山三見月，如眉蝶夢終宵繞戟枝。劉象幽

意人先賞疎叢蝶，未過路德延。傍枝粘舞蝶，隈樹

促鳴蟬。馮延巳林間戲蝶簾間燕。毛熙震紫燕

一雙嬌，語碎翠屏十二晚峯齊。張蟪香迷蛺蝶投

紅燭，舞拂蒹葭倚翠帷。張泌蝶散鶯啼尚數枝，日

斜風定更離披。又幽窓謾結相思夢，欲化西園蝶未

散。張泌蝶散鶯啼尚數枝，日斜風定更離披。又幽窓謾結相思夢，欲化西園蝶未散。

成又浮生已悟莊周蝶壯志仍輸祖述鞭又香清粉
澹怨殘春蝶翅蜂鬚戀藥塵錢珙身輕願比蘭堦
蝶萬里還尋塞草飛裴說遊蜂與蝴蝶來往自多
情王駕蛺蝶飛來過墻去却疑春色在鄰家孫
鮐蝶死難離檻鶯狂不避人又尋芳蝶已棲丹檻襯
綠苔先染石渠又赫日迸光飛蝶去紫薇擎豔出林
來又蓄恨綺羅猶眷眷薄情蜂蝶去飄飄陳陶三
清羽童來何遲十二玉樓蝴蝶飛劉昭禹凄凉無
戲蝶零落在蒼苔李中漆園化蝶名空在柱史猶
龍去不歸又南陌風和舞蝶狂惜春公子戀斜陽又

翠幄密籠鶯未識好音難拚蝶先知又偷摘蟠桃思
曼倩化成蝴蝶學蒙莊劉兼譚雞寂默紗牕靜夢
蝶蕭條玉漏長又低傍繡簾人易折密藏香藥蝶難
尋又將同玉蝶侵肌冷也遣金鵬遍體飛又恐情枕
上飛莊蝶任爾雲間騁陸龍又去年曾看牡丹花蛺
蝶近人傍彩霞裴延花寒未聚蝶色艷已驚人
名媛蜀太妃徐氏蝶嬌頻採臉邊脂花藥夫人禁
裏春濃蝶自飛御蠶眠處弄新絲

宋王禹偁隨風蝴蝶顛狂甚當路花枝採折多又依
稀驚宿蝶冷落動晨鴉又稚子就花拈蛺蝶人家依

樹繫秋千又舞寧無蝶思歌亦有鶯官 李虛已閒

從莊蝶親鳧鳥曾得安期九轉丹 楊億鶯禽時格

蝶戲蝶自翩翩又蝶隨游伎穿花徑犬吠行人隔槿

籬又書裁尺素鴻難託夢繞重湖蝶自狂 林逋草

長團粉蝶林暖墜青蟲又霜禽欲下先偷眼粉蝶如

知亦斷魂 魏野雞似殘鶯嚙娥如宿蝶狂 宋祁

可能無意傳雙蝶盡付芳心與蜜房 歐陽修春事

已爛漫落英漸飄揚蛺蝶無所爲飛飛助其忙又綠

萍合處蜻蜓立紅蓼開時蛺蝶飛 蘇舜欽花間情

脉脉蝶暖喜霏霏 梅堯臣正宜醉夢輕爲蝶苦怕

酬詩密似蠶又胡粉未生輕蝶白燕脂先綻野櫻紅

蔡襄游魚知小樂戲蝶見春晴 王安石蝴蝶豈

能知夢事遠遠飛墮晚花前又草頭蛺蝶黃花晚菱

角蜻蜓翠蔓深又公能覺如夢自喻一蝴蝶又東坡

數儵魚西掩追蛺蝶又忘情塞上馬適志夢中蝶又

况復邱樊滿秋色蜂蝶摧藏花草腓又可憐蜂蝶飄

零後始有閑人把一枝 韓維花深不辨蝶柳暗欲

迷橋 文同雨後雙禽來占竹秋深一蝶下尋花又

衫盤蜂蝶裙鴛鴦 蘇軾夢蝶猶飛旅枕竹魚已響

枯桐又陌上花開蝴蝶飛又素絲斷續不忍看已作

蝴蝶飛聯翩又相逢不用忙歸去明日黃花蝶也愁
又芳心未飽兩蛺蝶寒意知鳴幾噓蛄又伶俚寒蝶
抱秋花又未知筆下鸚鵡語何似夢中蝴蝶飛又風
葉落殘驚夢蝶又夜寒那得穿花蝶知是風流楚客
魂蘇軾簷竹風霜曾不到盆花蜂蝶未全諧又菊
細初藏蝶桐疎不庇鴉孔平仲凍蝶依殘菊幽禽
立臥槎何耕王孫隨蝶遠婺女隱雲深王仲修
翠幙重重圍繞定料應蜂蝶不曾來秦觀晴蜓蛺
蝶無情思隨例顛忙過一春晁補之深村芳物無
由覓蝴蝶雙尋麥隴飛又閨官廳事冷蝴蝶上堦飛

又映葉無蛺響依叢有蝶歸晁說之藻寒魚不食

花暖蝶先知又蜂蝶低窺酒鳧鷗狎近船張來花

間蝴蝶雙飛舞感觸傷心心更苦又蝶衣晒粉花枝

午蛛網添絲屋角晴陳師道飛來雙蛺蝶自畫一

浮鷗彭汝礪蛺蝶能飛燕能舞鳳皇在雲鴻在渚

硯儔馬蹄歲月去蝶夢東南飛楊時庭外幽花

自開落可憐蜂蝶漫多情傅察鴉鳴藏柳暗蝶舞

映花明歐陽澈蝶慕竊香爭趁暖鶯思求友競啼

春又羞泄異香招舞蝶獨施繁艷伴漁舟廖剛籠

金不礙鶯穿柳覆錦猶妨蝶戀花又舊時錦繡叢中

蝶却傍疎籬野菜飛 李邕遜緩行照水知魚樂隨
意穿花見蝶飛又身閒夢覺俱成蝶眼病朝昏只見
衣 呂本中舍東蕪菁滿眼黃蝴蝶飛去颭斜陽
書效飢鴉時立檻野蝶自尋花 鄭剛中春淺酒寒
人密坐花深雨細蝶移枝又花少蝶蜂瘦水清鷗鷺
間 劉子翬暮醉朝吟供採摘更憐寒蝶共生涯
王銍野草幽花閒自媚黃蜂白蝶靜相尋 周必大
飛飛粉蝶須相映皎皎銀蟾色共誇 范成大微風
盡日吹芳草蝴蝶雙雙貼地飛又花梢蝴蝶作團去
竹裏鶉鳩相對鳴又金雀釵頭金蛺蝶春風傳得舊

宮粧又林鶯尚嬌姹晚蝶成飄泊又夢魂舞蝶隨春
草時節賓鴻點暮汀又風日等閒猶不到外邊蜂蝶
莫紛紛又水上晴雲綵蝶橫許多蜂蝶趁船行又蝴
蝶雙雙入菜花日長無客到田家又日長籬落無人
過惟有蜻蜓蛺蝶飛又桑葉露枝蠶向老菜花成莢
蝶猶來又春深有燕捎飛蝶日暮無人掃落花又桑
蠶春繭勸化蝶夜娥迎又栩栩算來俱蝶夢喈喈能
有幾雞鳴又一簾芳樹綠蔥蔥蝴蝶飛來覓綺叢又
忽然蛻作多花蝶翅粉纔乾便學飛又蜂蝶蕭騷草
露漫小家籬落閉荒寒又不如雙飛蝶款款弄微風

又雪後春事起紅雲蜂蝶邊又冷蕤蕭疎蝶懶飛商
量何日是花時又家人扶上錦城頭蜂蝶團中爛漫
遊陸游傷水風林鶯語語滿園煙草蝶飛飛又聽
徹曉天鶯百轉却隨飛蝶過橫塘又衰草雙雙點飛
蝶長空一一送棲鴉又澆書滿挹浮蛆甕攤飯橫眠
夢蝶牀又佳人蜂蝶爭繞髻上客龍蛇看揮翰又碧
蝶飛飛過短籬山薑石竹有殘枝又衰翁不減少年
狂走馬直如飛蝶競又兒童急走追黃蝶飛入花來
無處尋又枯柳無鳴蜩寒花有穿蝶又花枝蝶小憇
草葉露時滴宋棹定餘牛自牧夢起蝶相關宋

喜朔雲爲斷蜂蝶信凍雨一洗烟塵昏又不用沙頭
雙玉瓶鳥歌蝶舞爲君壽陳造家山蝶夢隔節物
雁雲寒又伴蝶行花徑聽蛙傍水涯又蘭風度尊俎
蝶翅略襟裾王應麟陰陰蕪菁花碧蝶相與晚
葛天民鶯來占柳爲歌院蝶去尋花作醉鄉又飛蝶
捎風絮鳴禽戀午簷又却怪蒙莊猶寐語夢爲蝴蝶
未忘機又猫來戲捉穿花蝶雀下偷銜卷葉蟲葉
紹翁野蜜和蜂割巖花帶蝶移戴復古冰泮魚龍
起花開蜂蝶知又身在亂蛙聲裏睡心從化蝶夢中
歸方岳蜂蝶已歸絃管靜猶聞人語畫橋西又石

老只堪麋鹿伴山寒未放蝶蜂喧又春事已隨蝴蝶
夢人情猶有杜鵑花又蝶翎穿戶過禽弄隔溪聞又
勞形大塊皆同夢蝶化莊周月正明又真珠碎簇玉
蝴蝶直與八仙同一腔趙汝鎡春晚花飛少墻高
蝶度遲又籬落一團飛蛺蝶汀洲數點立鷓鴣許
棊插瓶嫌採蝶殘花又幾日銅瓶無可浸嫌他飢蝶
入窻來又春生蝴蝶半牀夢李觀祇因夢裏成蝴
蝶猶記南園數種花薛嵎寒蝶不知紅是葉飛來
猶作野花看趙希樞半枕小牕幽夢蝶數聲何處
寄書鴻何應龍正爾春心無處託一雙蝴蝶忽飛

來吳惟信魂夢不知春已去誤隨蝴蝶過秋千

陳允平十二畫闌都倚徧一雙蝴蝶上花梢又麥潮

風化蝶櫻熟雨生蟲錢大椿勾引芳情春夢蝶頻

催愁緒夜啼鴉趙若樵香透蜂房蝶夢殘一簾新

雨又春闌真桂芳風動鳥移樹花香蝶過墻謝

翺香隨蝴蝶上衣裾王炎草頭蛺蝶自由舞林下

鷓鴣相對鳴胡澄鵝鳩一聲春已歸蝶蜂無計戀

花時何俚花密蜂隨蝶林深雀啣蛇危稹情知

老却流鶯了爭奈狂如蛺蝶何孫觀淚向琵琶絃

上落心隨蝴蝶夢中飛王庭珪剩有虹霓蟠筆下

喜看蝴蝶入簾間又墻頭過盡雙飛蝶葉底巧啼何處禽李綱芳根縱腐猶能化舞蝶流螢到處飛

趙崇鈿憇蝶下新綠游魚上清潯吳龍翰尋花籬

下蝶牽引酌酒林間鳥勸酬又蝶狂如被酒蟬啞似

吟詩徐集孫好夢偏爲菴教破吟聲那似蝶飛輕

石延年難勝蜂不定易入蝶能通朱弁花帶露

寒無戲蝶草連雲暗有藏鴉吳仲孚弄花撲蝶悔

當年姚勉霧粘行草蝶風舞骨花絲鄒浩日轉

山亭寂寂夢迷蝴蝶雙雙李龔正是清和好時節

青叢花盡蝶來稀汪藻修廊過午夕陰合蝴蝶滿

庭春草長方尚老秧水平疇蛙閣閣菜花滿稜蝶

飛飛朱孟翁秧際窺魚翹白鷺花間捎蝶下黃鶯

謝枋得蝶翅交加呈六出俞琰幽人高枕眠方

牀夢與蝴蝶俱飛揚方外惠洪蝴蝶夢中江月白

蘆花鳴笛釣船歸斯植蝴蝶傍人飛不去隔墻開

盡碧桃花葛長庚花爲蝶擾逐風飛又半空萌雨

意一蝶訪桃蹊閨媛朱淑真海棠深院雨初收苔

徑無風蝶自出又多情是蜂蝶飛過粉墻西又蝶趁

落花盤地舞又鶯聲驚蝶夢喚起舊愁新又枝頭添

翠鶯先覺葉底銷紅蝶未知又蝶使蜂媒傳客恨鶯

梭柳線織春愁又不奈鶯聲碎那堪蝶夢空妓盼
盼花心柳眼從教放蝶意蜂情一任休女仙東風
吹過雙蝴蝶人倚危樓第幾闌

金宇文虛中蝶舞輕風曉鶯啼老樹陰又且伴丁香
過寒食弄晴蝴蝶一雙雙朱之才呻吟和哀蟬夢

寐追化蝶党懷英君不見莊周古達士栩栩尚作

蝴蝶飛趙秉文紅目轉堦簾影薄一雙蝴蝶上葵

花又雀噪晚禾場蝶飛秋菜圃又花殘蜂蝶逝花開

蜂蝶喧又抱叢無晚蝶窺藥有真禽又簾虛不捲通

明處時有流鶯趁蝶過又一聲鳴鳩喚年芳底事驚

回蝶夢長劉仲伊晚芳留凍蝶疎木立飢禽李

純甫雄蜂雌蛺蝶正自不成雙劉從益莊周枕上

非真蝶樂廣杯中亦假蛇又旅牕蝶夢曉鶯回默數

流年起自哀趙颯果蝶夢周周夢蝶爲風乘我我

乘風史肅憇蝶依藂穩嘶蟬抱樹哀高廷玉蝶

惹依芳草蜂沾過小庭劉勳粉蝶耽香夢正迷黃

蜂和蜜計何癡李解眼中只有梅千樹不挂世間

蜂蝶花田紫芝醉夢蕭森蝶翅輕一登無語夢邊

明史學蝶子蜂兒應有語東風元不爲渠來又觀

魚暫覺心差樂化蝶元來夢亦忙楊邦基粉蝶如

知合斷魂啼粧先自怨黃昏 張庭玉烏鳶繞樹山

梨熟蝴蝶穿花木槿開 董文甫莊周先我復天真

化蝶飛來管領春 元好問無情鷓鴣驚翡翠兒有情

蜂雄蛺蝶雌 又荒畦斷壟新霜後瘦蝶寒蟻晚景前

又已怕宿粧添蝶粉更堪暖蕊開蟬聲 又殷勤花上

蝶分我漆園春 又金粉輕粘蝶翅勻丹砂濃抹鶴翎

新 又雄蜂雌蝶爲花狂陌上遊人醉幾場 吳萊鷓

鴟戲水池塘雨蛺蝶尋香殿閣風 又蚯蚓尚無臟靜

夜解唱呻蝴蝶亦復然翾飛媚陽春

元黃庚花香能醉蝶柳色欲迷鶯 又柳疎鶯占影花

雜蝶分香 又柳眉綠皺鶯無語花臉紅銷蝶懶飛 又

花怯曉風寒蝶夢柳愁春雨濕鶯聲 方夔戲展紅

牋圖蛺蝶強拈綵線候牽牛 陳深黃蝶得晴飛菜

葉翠禽隔哺啄桃花 袁易鵲黃梢蝶驚還起翠碧

窺魚去復來 尹廷高日上海棠眠未醒夢隨蝴蝶

出宮墻 蕭國寶夢魂枕上驚蝴蝶鄉思燈前怯杜

鵑 耶律楚材乍遠南州如夢蝶暫游北海若飛鵬

又醉裏莫知身似蝶夢中不覺我爲魚 劉秉忠雌

蝶雄蜂不同類雙雙相趁舞迴風 郝經鶯知好客

飛無語蝶爲新花去復來 又桃李東風蝴蝶夢關山

明月杜鵑魂又花落深庭日正長蜂何掠舞蝶何忙

元淮倒把鳳翹搔髻影一雙蝴蝶過東墻趙孟

頰雕闌留戲蝶藻井語嬌燕又蝶魂迷幽夢蛛絲伴

落花袁桷盈盈綠房綴冰葢玉蝶婀娜穿帷飛又

花枝羞啼蝶旋舞別調分明如欲語又息深忘蝶化

機靜狎鷗馴又梨梨的的疑蝴蝶燕子深深似杜鵑

又蝶夢春濤湧蟲疑曉日冥又玉簫曲趁鶯聲轉金

鼎香隨蝶夢殘又寒香似寫歸來夢背立西風替蝶

愁馬祖常小閣卷簾春事晚佇看蝴蝶過庭東又

帳底金盤承蜜露東家蝴蝶不須飛張養浩爲花

誦蜂蝶應亦相歡娛安熙自是風花要題品等閒

蜂蝶莫相猜虞集最愛尚書才思別解吟蝴蝶出

東家又西海珊瑚階下長東家蝴蝶雪中回揭傒

斯無端折得一枝歸一雙蝴蝶相隨飛薩天錫水

心驚起鴛鴦飛花底不成蝴蝶夢又長安市上花滿

枝東家蝴蝶西家飛陳旅上陽宮樹奏鶯簧蛺蝶

羅衣逗暖香張翥山逕低飛鬼蛺蝶野塘競噪官

蝦蟇貢師泰蝶睡誤翻歌扇暖鵲驚疑報畫檐晴

陳樵蜂黃蝶粉照靈葩不散明珠祇散花霑衣墮

被花如雨羽人化蝶隨花去又舊桃拂面丹如雨紅

蝶黃鶯解歌舞 〔陳基〕倦游已夢莊生蝶不飲何憂
廣客蛇 〔又〕柳塘水暖鴛鴦浴花徑風酣蛺蝶飛 〔又〕蛺
蝶影隨羅扇動琵琶聲逐畫船回 〔又〕冶情紛作蝶戀
春新曲從翻玉連鎖 〔楊維禎〕美人弄水百花池水
酒花枝雙蝶起 〔又〕青蛺孕子寧無兆玉蝶化身元有
情 〔又〕新詞未上鴛鴦扇醉墨先污蛺蝶裙 〔張昱〕簾
前塵覆珊瑚樹案上蝶棲鸚鵡杯 〔又〕醉吐車茵愧不
才馬前蝴蝶趁花回 〔又〕蝴蝶每因飛處見牡丹多是
折來看 〔又〕蛺蝶畫羅宮樣扇珊瑚小柱教坊箏 〔又〕落
過楊花渾不覺飛來蝴蝶忽成團 〔郭鈺〕子夜歌承

君蛺蝶雙花羅 〔又〕硯冰敲碎碧雲殘蜂蝶無飛花意
閑 〔葉顥〕鶴猿常歛狎蜂蝶任猖狂 〔又〕蝶翅寒猶怯
蜂衙晚漸陳 〔又〕癡蝶狂蜂未用疑從來根性懶趨時
〔又〕久無異士高人識長有狂蜂妬蝶猜 〔華幼武〕干
金腦麝和淑質萬箇玉蝶縈柔條 〔顧瑛〕折花賣眼
一回路步蛺蝶雙飛上春墓 〔又〕露粘蝶粉生珠汗日炙
猩紅上紫綿 〔又〕夢中化作蝴蝶飛飛入花間聽春語
〔段克己〕小梅初破月團團戲蝶游蜂未敢干 〔段
成已〕戲蝶游蜂總未知小牕低亞兩三枚 〔仇遠〕不
如花下冥冥坐靜看蜻蜓蛺蝶飛 〔吾邱衍〕長春晝

長恨春草蝴蝶飛來鬢先老又劉伶一鍤事徒然蝴蝶飛來別有天又蝶飛不濕烟綿路吳娥怨澀鸞階步張弘範枝上嬌鶯啼恰恰樹邊舞蝶意怱怱楊奐一飲甘河萬事休喚回蝴蝶夢莊周陳孚前如殘葉飄後如輕蝶舞鄧文原蛺蝶圖工人去久騶虞詩好化行初傅若金露顆含香近客衣蜜蜂蝴蝶繞籐飛王士熙亂鶯穿舞幃輕蝶立回闌李孝光日月轉半腹隱避若兩蝶又馬嵬岡頭斷消息去時彩雲化爲蝶黃清老美人捲簾日在手蝴蝶飛上珊瑚鈎又游蜂舞蝶總愛客飛絮落花時近

人丁復涼夜熟眠貪夢蝶清朝苦思困吟蛩薛

漢妝鏡曉寒凝蝶粉舞衣春暖卸鶯黃王冕山南

雨晴蝴蝶飛山北雨冷麒麟悲吳景奎條風東來

初解凍蝴蝶吹醒花底夢又游絲舞蝶共徘徊野馬

空濛拂面來曹文晦夢作花間蝶飛入昭陽殿又

回頭貪看雙胡蝶不意前途馬上郎又東鄰種桑富

紈綺西鄰種花蜂蝶聚郭翼高桃花發江林裏蝶

弄鶯銜四散飛姚文奐亭下花如錦野蝶山

蜂總不知戴良或翩如春蝶或熠如宵螢洪希

文幾何間濶鶯偏老如此生疎蝶也猜又蛙王踞坐

楚歌發蝶使行成漢騎圍又荒村蜂與蝶老死菜花
叢方瀾黃花蝶過晚白葦雁銜新岑安卿憑闌
無語何所思默看雙蝶花間飛舒頔落花風起停
鍼看蝴蝶雙雙過粉墻又折花攢粉蝶投果喚青猿
又幾處燒錢飛蛺蝶三了無主祭骷髏又石澗水香
麋麝過林梢霜重蝶須黏郊韶春暖鳧鷖當檻浴
草青蝴蝶上衣來又多少東家蝴蝶夢相思并逐彩
雲飛又流鶯蛺蝶共飛舞不惜醉倒花樹傍又楊柳
蕩洲渚蝴蝶作團飛貢性之蝶翻飛絮入簾輕又
直疑春信早蝴蝶作團飛方外馬臻昨夜海棠開

數朶一雙蝴蝶上闌干善信一雙戲蝶來書幌猶

繞殘花覓舊春清珙草深蛇性悅日暖蝶心狂

明太祖細雨只教成子速蕊飛綵蝶最多功又一夜
撲牕春蝶戲好風吹去又推來遼簡王植殘花留

舞蝶飛絮逐行人寧獻王權寶殿晝長簾幙靜牡

丹花下蝶交飛趙康王厚煜吾家亭子百花圍簾

卷東風蝴蝶飛蜀成王讓栩蜂蝶叢花鴛戲水一

齊著意向東風宗室承絲水清魚戲水花落蝶愁

香高啓蝶識薰香氣鶯慙度曲喉又岸花飛起蝶

池葉墮驚魚又影動疑人折香搖妒蝶尋又蝴蝶誰

家信鴛鴦別浦歌又莫撲花蝴蝶疑爲蠟鳳皇又餘
香滿路日暮歸猶有蜂蝶相隨飛戈鎬落花昨夜
飛成團蝴蝶歸來及春暮胡儼鶯梢穿樹蝶燕拾
落花泥又牕前有夢隨蝴蝶門外無人啼乳鴉瞿
佐採香蝴蝶挂蛛絲不惜將身爲花死童軒試呼
小簾卷珠箔一雙黃蝶花間落沈愚蝶思鶯情夢
中見沈周春亦不言花舞飛東家蝴蝶已無賴
王寵初飛蛺蝶猶疑夢忽見梅花各問年金大輿
晴雪舞翻飄蛺蝶錦雲如砌宿鴛鴦蔡宗堯珠簾
半捲春日高海棠飛起雙蝴蝶陳薦夫雙飛蝴蝶

子戲儂羅裙前

鄭之文千蝶春星舞袖翻九枝夜

閣歌鐘起

張若羲一心看蝴蝶風撩羅裙濕郭

金臺忽然颺清風舞蝶盈空垂

金宗直野棠花發

當寒食幾度春魂化蝶飛

徐賁紅萱困宿蝶綠橘

垂新蠶

李德南園蝴蝶飛綠草迷行迹

莫士安

蛺蝶暖依芳草飛鷓鴣晴入叢篁喚

袁宗治情蕩

漾收不得誤隨蝶過東家墻

劉基野畦落日舞殘

蝶小池過雨喧鳴蛙又去雨來雲天渺渺輕風舞蝶

日悠悠又尋香粉蝶應隨夢采蜜黃蜂不趁衙又春

來不敢著怕引蝶雙飛又只有雙蝴蝶憐他夢裏人

又尾寒鶯共濕衣暖蝶爭妍又津頭洗紅女蝴蝶上
羅裙又東家蝴蝶飛無數西鄰燕子歸兩箇又偶隨
黃蝶去岸幘樹邊橋又飛高飛下蝴蝶行去行來鷺
絲又細草平沙暖更融漫隨蝴蝶步東風又江雷應
夜蟲蛇早山雨崇朝蛺蝶遲又立近晚風迷蛺蝶坐
臨秋水舞芙蓉又應是鄰家更零落過墻蝴蝶又飛
來 陳夔初如玉屑忽如羽閒如柳絮忙如蝶 趙
貞吉 鬪髀臺上蝴蝶飛靡蕪澗底鴛鴦起又嬌猩蝶
舞一葉墜似惜清翹浣花餓 王行 網殘蟲脫罨蜂
鬧蝶催成 于謙 簷前燕子掠飛蝶池面魚兒吹柳

花

韓奕早蟬鳴柳樹晚蝶繞幽叢

王侗舞迷芳

蝶夢輕護錦苔紋

陳憲章野晴鶯得意花盛蝶傷

神

李幾藥名人不識花信蝶先知

姚綬水暖鳩

鵲浴花香蛺蝶飛

孟洋雀鷺看果落蝶懶覺花稀

王韋葡萄纏廢棟蛺蝶舞荒園

徐霖悠悠花上

蝶偏作合歡飛

張時徹花枝初綴蝶燕語故招人

又翩翩舞蝶戲穿花海上樓臺散赤霞

方九敘趁

蝶迴彫砌銜花赴彩梁

黃省曾燕圓花淡淡蝶泛

草纖纖

王叔承簷晚蜻蛚挂籬晴蛺蝶迴

張若

義深樹黃鸝語空庭舞蝶回

姚士舜瓶花攜舊蝶

鄰樹喚新鶯 豐越人風輕扶蝶翅 洲暖曝魚衣
陸長庚夢逐翻風蝶 名成覆鹿蕉 潘大復競探蝴
蝶窟 驚起鷺鷥羣 馬如玉無香辜戀蝶 有欲引飛
蟲 尹子雲夢隨蝴蝶舞 心逐野雲飛 許景樊鏡
匣鸞將老 園花蝶已秋 倪謙玉蛻撲蝶意自癡 紫
蘭綠葉紛離披 劉溥落花成團卷 蝴蝶蹴破東風
閒不知 顧璘芳根異種多 難識粉蝶黃蜂暗相喚
緇崧麝香眠處 殘花落 蛺蝶飛來碧草齊 張恕
香螺脫靨烟生 幄豆蔻含胎 蝶滿牕 趙俶何人雞
鳴解起舞 此時蝶夢付銜杯 盧昭生憎蛺蝶迷春

色不待後 猊換夕薰 袁華蝶粉膩花金 作縷雁沙
回雪翠爲茵 易恒楊花易遣爲萍去 春夢難憑化
蝶來又雁信無憑 蝶夢訛寥寥 空望遠人過 沈應
芳草家家迷 蛺蝶棠梨樹 樹囀黃鸝 史槿蝴蝶夢
回山月曉 鯉魚風起浪花腥 李昌祺數枝漫水魚
吹去幾片縈林 蝶趁飛又鷗下 只投荷葉嶼 蝶飛多
傍菜花畦 朱純不隨蛛網縈 鈿合肯逐鸞梭上 錦
機 郭登花底雨晴飛 蛺蝶水邊冬暖見 虹霓 杜
庠鳴鑿聲斷 停歌舞 蛺蝶香消冷畫圖 李東陽池
魚自躍 非因餌 園蝶還飛不受局 又綠陰繁處小堂

開野蝶園蜂自去來 [姚山] 花落殘紅知蝶少樹垂

重綠見春歸 [陳完] 留客小鶯偏恰恰可人飛蝶故

雙雙 [又] 鶯梢飛蝶穿花去水學驚蛇抱石流 [李兆

先] 青田院柳鶯猶澁開到園花蝶未知 [羅倫] 鶴伴

野翁梳白髮蝶隨春色上烏巾 [李承箕] 夢隨莊叟

迷蝴蝶醉過山翁倒接羅 [王建極] 蝴蝶夢寒雙睡

燕杜鵑枝老獨啼鶯 [又] 燕拂林霞分嫩綠蝶翻草露

濕嬌紅 [徐禎卿] 今朝蝶似長安客差况殘春寂莫

歸 [陸深] 秋光更比春光好蜂蝶紛紛不到門 [郝

鳳升] 烟縷湘裙飛蛺蝶玉屏羅幙墮芙蓉 [蔣山卿]

花間蝴蝶雙飛去正是山翁午夢回 [劉天民] 晚歲

始醒蝴蝶夢故園今返鹿麋身 [楊士雲] 子規啼血

欲半夜蝴蝶掠香時一叢 [文徵明] 蝶使蜂媒都懶

慢一番無味夕陽中 [又] 穠綠已無藏艷處笑他蜂蝶

尚徘徊 [陳鏗] 世事且歸蝴蝶夢春情多寄海棠枝

[申時行] 興闌祇覺啼鶯緩夢斷空留睡蝶雙 [蘇

澹] 蝶夢欲殘香散靄鳥聲不斷樹籠霞 [袁宏道] 春

塘雨過波紋亂花塢風回蝶翅香 [董其昌] 莫向花

叢問姚魏年來蝶夢不曾過 [韓上桂] 稚子能尋蝴

蝶 蠶村姑不少鷓鴣香 [王衡] 夢回書帶飛蝴蝶坐

久經簾墮細蟲 [吳林芳] 嫋嫋東風蝶試衣綿綿芳

草燕爭飛 [林春秀] 雨過曉山泉噪澗花生春菜蝶

穿園 [沈章] 春動粉鬚都化蝶夜寒花片欲成冰

金謹思 萬里往來蝴蝶夢三春開落杜鵑花 [李承

召] 趁蝶有時穿竹塢壘巢終日啄芹泥 [梅月堂] 蛺

蝶雙雙舞藥畦薔薇架架采登梯 [張璨] 蝶思迷芳

蕊蜂情戀蜜窠 [丁肇亨] 亂花迎面舞飛蝶趁風侵

[章] 有涓舞蝶莊生夢啼鵑蜀帝魂 [管訥] 勾引流

鶯窺翠幕留連戲蝶繞華臺 [周復俊] 鶯鳴拂澗如

爭勝蝶舞穿林亦助憐 [康海] 迎風翻錦蝶拂露點

蜻蜒 [莊] 一俊雀飲視池水蝶翻菜圃花 [汪廣洋]

東家蝴蝶愛悠揚不肯輕飛過短墻 [沈明臣] 花藏

數蝶驚人散燕領雙雛傍客歸又枝弱鴉棲未穩花

深蝶睡方濃 [陳允升] 雁落平蕪遠近蝶隨花影翻

飛 [陶安] 秧隨新水長蝶趁落花飛 [詹同] 蝶抱落

花片鳥啼深竹叢 [袁凱] 好花留舞蝶高柳宿啼鵑

又一雙蝴蝶對舞幾箇鶯兒亂啼 [劉綸] 蟠空百丈

靈虬繞簇幔千行紫蝶來又紫蝶飛飛散簾箔流螢

的的穿高閣 [謝榛] 黃鸝教春蝴蝶愁四野無人日

將夕 [徐渭] 千年古素粘蝴蝶蒼濤高處擎紅顏

屠隘日長草綠嬌黃蝶宛轉啼鶯隔花葉 吳兆盈
羽盈襟羅眾芳蛾飛蝶繞滿衣裳又樹光搖粉蝶雲
彩照金罍 沈周春亦不言花亂飛東家蝴蝶已無
賴又還隨蛺蝶追尋去墻角公然有半枝 方孟式
菜花蝴蝶一色野雀山雞亂啼又蝶去逕尋千瓣葢
梅繁鶴夢一簾幽 林公慶欲尋遺井無人識蛺蝶
飛來薺菜花 史遷一雙蝴蝶總無賴飛到小闌還
過墻 謝縉梨花雲冷不成夢蛺蝶一雙飛過墻
楊學禮蛺蝶不嫌春色淡隔墻飛去又飛來 居節
草色一簾門半掩臥看雙蝶趁游絲 歸子慕老夫

自愛東風立蝴蝶嬌癡不畏人 王伯稠翩翩黃蝶

穿疎蓼唧唧秋蟲語豆花 王翼聖恥逐遊蜂與舞

蝶別尋一徑綠陰歸 洪恩香風吹落梨花雪蜂蝶

紛紛間錯來 桑貞白雨晴春暖百花香戲蝶游蜂

各自忙 沙苑在癡蝶貪香尋不得繞兒衣袂百千

回 郝婉然杏花零落知多少黃蝶翻飛野菜香

張淮斜葉趁風搖翅蝶艷姿嫌酒病心人 張含獨

勘莊周蝶夢不聞祖述雞鳴 方外妙聲猶聞葉上

黃鸝語不信東家蝴蝶飛又柳色鶯聲雖復在游蜂

戲蝶落誰家 梵琦不知蝴蝶化爲我何處杜鵑來

香何小譜卷下散藻 卷

喚人 通潤泛水鳥鷗皆得意采香蜂蝶未忘貪

廣潤露裙沾蝶粉風珮雜鶯簧又莫見成陰芳樹底

斷魂蝴蝶尚蘧蘧 閨媛屠瑤瑟日暖高臺晒落英

翩躚粉蝶雙翅輕 沈宜修梨花猶夢雨宿蝶半迷

香 朱妙端濕雲漠漠雨如絲花滿西園蝶未知

羽孺蝶來北苑蜂南去誰向樓頭語別離 妓景翩

翩飛飛雙蛺蝶底事過鄰家 文氏五月鳴蜩至八

月蝴蝶老 無名氏釀酒未終舟子報舵樓黃蝶早

飛來又銀牀冰簟無餘事盡日南園蛺蝶多

散藻三詞

唐昭宗蝶舞梨園雪鶯啼柳帶烟 王建蝴蝶蝴蝶

飛上金枝玉葉 杜牧繡衫遮笑靨烟草粘飛蝶青

瑣對芳菲玉關音信稀又翠釵金作股釵上蝶雙舞

心事竟誰知月明花滿枝

五代南唐嗣主李璟櫻桃落盡春歸去蝶翻輕粉雙

飛 馮延巳青梅如豆柳如絲日長蝴蝶飛又林間

戲蝶梁間燕各自雙雙又狂蜂浪蝶相翩翩 張泌

斜陽似共春光語蝶爭舞更引流鶯如魂銷千片玉

樽前神仙瑤池醉暮天 韋莊春欲晚戲蝶游蜂花

爛熳 牛嶺陌上鶯啼蝶舞柳花輕 毛文錫海棠

未坼萬點深紅香包緘結一重重似含羞態邀勒春
風蜂來蝶去任繞芳叢薛昭蘊曲砌蝶飛烟暖春
半花發柳垂條花如雙臉柳如腰嬌麼嬌嬌麼嬌
魏承班花紅柳綠間晴空蝶舞雙雙影羞看繡羅衣
爲有金鸞並李珣後庭寂莫日初長翩翩蝶舞紅
芳歐陽炯雙雙梁燕語蝶舞相隨去腸斷正思君
閑眠冷繡茵毛熙震粉蝶雙雙穿檻舞簾捲晚天
疎雨又鶯對語蝶交飛戲薔薇無名氏花間更有
雙蝴蝶見樂府雅詞

宋晏殊戲蝶游蜂深入千花粉艷中又流鶯粉蝶鬪

翻飛戀香枝劉几步障華絲綺軒油與紫鴛鴦
素蛺蝶自清思往往連夕鷓鴣蝶亂蜂喧晴日
催花暖欲然又燕蝶輕狂柳絮撩亂春心多少又青
梅如豆柳如眉日長蝴蝶飛又倚烟啼露爲誰嬌故
惹蝶憐蜂惱又桃李三春雖可羨鶯來蝶去芳心亂
又燕拂風簷蝶翻露草兩兩長相逐又蝶飛芳草花
飛路把酒已嗟春色暮司馬光蝶尚不知春去漫
繞幽砌尋花晏幾道去年花下客今似蝶分飛又
蝶去鶯飛無處問隔水高樓望斷雙魚信又可憐胡
蝶易分飛只有杏梁雙燕早來歸又已拆秋千不奈

間却隨蝴蝶到花間 [張先] 蜀紅衫雙繡蝶裙縷鵝
鵝 [又] 雙蝶繡羅裙東池宴初相見 [柳永] 粉蝶無情
春已去要上金尊惟有詩人曾許 [又] 蝶稀蜂散知何
處殢尊酒轉添愁緒 [黃昇] 鶯蝶太匆匆惱殺衰翁
[又] 行樂處正蝶繞蜂圍錦繡迷無路 [又] 隨蜂惹粉趁
蝶栖香引動少年情味 [蘇軾] 不知鐘鼓報天明夢
裏栩栩然蝴蝶一身輕 [又] 萬事到頭都是夢休休明日
黃花蝶也愁 [又] 蝶懶鶯慵春過半花落狂風小院殘
紅滿 [又] 座上人如玉花映花奴肉蜂蝶亂飛相逐 [又]
睡起酒闌花謝蝶亂蜂忙 [又] 見乳燕梢蝶過繁枝

孔平仲 新睡起小園戲蝶飛成對 [賀鑄] 斷無蜂蝶
慕幽香紅衣脫盡芳心苦 [又] 宛是春風蝴蝶舞帶香
歸 [又] 待舞蝶游蜂細把芳心都告 [黃庭堅] 夢去倚
君傍蝴蝶歸來清曉 [又] 畫作遠山臨碧水明媚夢爲
蝴蝶去登臨 [又] 寂莫酒醒人散後堪悲節去蜂愁蝶
不知 [又] 相伴蝶穿花徑獨飛鷗舞溪光 [又] 聞道開時
蜂惹香鬚蝶惹衣 [秦觀] 游蝶困乳鶯啼怨春春怎
知 [李豸] 吹滿江天驚夢蝶喚起畫樓傷別 [蘇庠]
倚闌無語惜芳菲絮飛蝴蝶飛 [李之儀] 蜂蝶不勝
閑惹殘香縈紆深透 [又] 初睡起翩翩戲蝶飛成對 [又]

天氣猶寒蝶未知
晁冲之 蝴蝶滿西園啼鶯無數
水閣橋南路
謝逸 寒多蝶夢驚
又晨光曉色掃簷
晶寒牕蝶夢驚
又杜鵑飛破草間烟
蛺蝶惹殘花底
霧
又蝶飛烟草鶯啼雲樹滿岸垂楊陰綠
又刺桐花
上蝶翩翩惟有夜深清夢到郎邊
又縱湘絃難寄韓
香終在屏山蝶夢斷續
李元膺 燕驚午夢周遮語
蝶困春遊落拓飛
周邦彥 歌板未終風色便夢爲
蝴蝶留芳甸
又却倚欄干吹柳絮粉蝶多情飛上釵
頭住
又但蜂媒蝶使時扣牕隔
又樽罍雖近採花南
圃蜂蝶須知
又最苦是蝴蝶滿園飛無心撲
又蝶粉

蜂黃都褪了枕痕一線紅生玉
毛滂 半落瓊瑤天
又惜稍侵桃李蝶應愁
又小雨初收蝶做團
又雨萼
胭脂淡香鬢蝶子輕
又柳畔鴛鴦作伴花間蝴蝶爲
家
又紅摧綠剝鶯愁蝶怨滿院落花風緊
又空凝望
蜂勞蝶攘誰在花枝上
又香解著人衣君心蝴蝶飛
又任紅辭香散蝶恨蜂嗔
又藏花小塢蝶徑深深見
又蜂兒蝶子紋得越輕狂
又蝴蝶初翻簾繡萬玉女
齊回舞袖
又橘奴無恙蝶子相迎寒窓日短
又並梅
兄雙蝶子烟縷衫輕
又陽春但更買花栽留住蜂兒
蝶子等君來
又願郎學做蝴蝶子去去來來花裏

葛邲看紗牕紅日上三竿把蝶影梢空在花深處又
不管浮生如蝶夢從教萬事添蛇足又蝴蝶滿園叢
邊空繞 〔王安中〕促歸期燕飛蝶舞特地熙熙 〔張
元幹〕空教蜂蝶爲花忙 〔田不伐〕簾風不動蝶交飛
名蜂 〔万俟雅言〕又還是九十春光悞雙飛戲蝶並
蝶令 採游蜂 〔陳克〕蝴蝶上堦飛風簾自在垂 〔呂渭老〕
望燕外晴綺鷗邊水葉蝴蝶成團又柰燕子樓高江
南夢斷虛費相思又結伴踏青趁蝴蝶雙飛又去年
香徑共粉蝶間相趁又楊花蝴蝶亂分身飛不定暮
雲晴又攤錢臨小牕撲蝶穿斜徑又如今但暮雨蜂

愁蝶恨小牕閒對芭蕉展却誰拘管 〔蔣子雲〕蝴蝶
不隨春去入薰風池閣 〔何臬〕夢作一雙蝴蝶繞芳
叢 〔蔡伸〕繁杏枝頭蜂蝶亂又蝶帳夢回空曉月鳳
樓人去謾東風又念蝴蝶夢回子規聲裏半牕斜月
一枕餘香 〔王之道〕有蜂媒蝶使 〔趙師俠〕蜂間蝶
怨盡憑枝上鶯語又未有花鬚金縷縷醉夢悠揚似
蝶踟躕舞又曲徑風微蜂迷紅片蝶趁游人又戲蝶
初閒輕搖粉翅高低飛撲又間戲蝶懶游蜂破除花
影重又蜂蝶鎮相依天氣融怡又見燕喃喃蜂簇簇
蝶飛飛 〔趙長卿〕香姿肯易許游蜂狂蝶又紅淺香

乾蝶子迷花陣陣又午牕一枕莊周夢甘作花心粉
蝶忙又漫惹游蜂戲蝶忙又孤標爭肯接雄蜂雌蝶
又春已歸時戲蝶游蜂少又蜂共蝶儘乾忙檀心知
未肯尋常又雨深芳草渡蝴蝶正慵飛又魂蝶亂夢
鸞孤知他睡也未又蝴蝶夢回餘燭影子規啼處隔
牕紗又閒立近紅芳游蜂戲蝶誤採真香 趙鼎魚
書蝶夢兩消沉又杏花枝上蝶雙雙春晝初長又鶯
愁蝶怨春知否 向子諶長悵恨短姻緣空餘蝴蝶
夢相連又山萬疊水千重一雙蝴蝶夢能通又濠梁
夢蝶儘香忙又白似雪花柔于柳絮蝴蝶兒鎮長一

處又相思懶下牀春夢迷蝴蝶又夢隨蝴蝶過東鄰
又爭縹緲鬪風流蜂兒蛺蝶共嬉遊又去年不到瓊
花底蝶夢空相倚又已驚蝴蝶過東墻又幾年不見
蝴蝶枕中魂夢迷 陳三聘花陰合閒情不似一雙
狂蝶 黃公度不受人間鶯蝶知 朱敦儒慣被好
花留住蝶飛鶯語又蝴蝶成團飛照水又且與管領
春回孤標爭肯接雄蜂雌蝶又書倩燕夢借蝶重相
見再把歸期說 曾覲蝴蝶夢驚化鶴飛還榮華等
閑一瞬 范成大花園合晝長人靜雙飛蝴蝶 陸
游暗端相燕羞鶯妬蝶擾蜂忙 張孝祥蟬蛻塵埃

外蝶夢水雲鄉 [侯寘]晴雲麗日花濃處蜂蝶紛紛
又午庭栩栩花間蝶翅添金粉穿瓊葉又牢貯深沉
金屋任教蝶困蜂忙又雪意梅情分付漆園蝶 [楊
无咎]看睡起曉蝶也愁花頰又柳暗藏鴉花深見蝶
物華如繡 [洪适]桃疎蝶惜春柳困風銜絮 [朱子
應笑俗李麤桃無言翻引得狂蜂輕燕又多情蜂蝶
早飛來 [辛棄疾]丁寧黃菊未消勾引蜂蝶又蝴蝶
不傳千里夢子規叫斷三更月又老冉冉今花共柳
是栖栖者蜂和蝶也又粉蝶兒只是尋桃覓柳開遍
南枝未覺又檢點笙歌多釀酒蝴蝶西園暖日明花

柳又尋思人世只合化夢中蝶又怎得身似莊周夢
中蝴蝶花底人間世又淒涼今古眼中三兩飛蝶又
蜂兒辛苦多官府蝴蝶花間自在飛又疎蟬響澁林
逾靜冷蝶飛輕菊半開又楊柳溫柔是故鄉紛紛蜂
蝶去年場又有多少鶯愁蝶怨甚夢裏春歸不管又
惆悵畫簷雙蝶舞東風吹散靈雲香火 [程垓]料得
新來魂夢裏不管飛來蝴蝶又魂夢切不管飛來蝴
蝶又羨栖梁歸燕入簾雙蝶又喚鶯吟招蝶拍又玉
人何處夢蝶又無多春恨鶯難語最晚朝眠蝶易尋
又山腰野菜飛蝶又夢採芙蓉隔一江幾時蝴蝶雙

雙

劉翰驚動小亭紅雨舞雙雙金蝶

劉儼隔花

聽取提壺勸道此花過了春歸蝶愁鶯怨

方侯咏

當暄風皎日佳處戲蝶游蜂粘著

袁萬頃驚殘蝶

夢鵲空喜望斷馬蹄人不來又梨花月淡珠簾捲柳

絮風輕紫蝶飛

劉克莊飛來雙蝶繞叢欲去還止

又片片蝶衣輕點點猩紅小

陳亮蝶翻淡碧低邊

影鶯囀濃香抄處風

楊炎此意問春知否蝶困蜂

兒瘦

謝懋蝶趁幽香蜂釀蜜

趙彥端多少繁紅

盡隨蝶舞蜂飛又春到江南三二月迷損東家蝴蝶

又清淑清淑會有蜂栖蝶宿又翩翩舞袖穿花蝶宛

轉歌喉貫索珠又俱飛蛺蝶元相逐並蒂芙蓉本自

雙又金剪度還堪惜雙蝶睡無從覓

黃機輕狂蜂

蝶欲去還留又西園路更紅塵不斷蝶酣蜂瘦又蝶

困蜂酣燕嬌鶯姹懽意濃如此又卓午花陰不動一

雙蝴蝶團圞又釵頭蝴蝶趁舞梅邊雪又柳際梅邊

臘雪乾釵頭胡蝶又成團

李洪休怨時暫飄零玉

堂清夢不惹游蜂蝶

李泳午夢驚回庭陰翠蝶舞

鶯吟未了

李漳記當時竊香倚暖豈期蝶散鷓分

許棻鶯意緒蝶心情一時分付小銀箏

嚴仁薺

菜花繁蝴蝶亂又偶因撲蝶到庭中

趙善扛過花

絮蜂怖蝶懶〔毛〕开山北山南花爛漫日長蜂蝶亂

郭應祥蝶舞已便花盡亂燕歸仍愜香泥暖〔盧〕

祖皇殘夢不成重理一雙蝴蝶飛來又低回倦蝶往

來忙燕芳期頓懶〔高〕觀國更沒纖毫塵俗態倚高

情預得春風寵沉凍蝶挂么鳳又只疑雙蝶夢翠袖

和香擁〔史〕達祖餘花未落似供殘蝶經營又蝴蝶

一生花裏活又柳鎖鶯魂花翻蝶夢又蝴蝶識人游

冶地舊曾來處花開未又否簾蝴蝶繡牀春又驚粉

重蝶宿西園又香迷蝴蝶飛時路又蝶魂未冷吾身

良是悠然一笑〔汪〕莘詩人門戶約花開蝶誤飛了

又年少尋芳早春時節飛去飛來似蝴蝶又天地兩

三蝴蝶夢古今多少菊花香又小園行處雙蝶相隨

至又惜餘香蛺蝶引春來〔吳〕潛蝶絆游絲墜蜂粘

落盡空〔韓〕流蝴蝶遶枝啼鳥怨東風吹酒面又脉

脉蜂黃蝶粉盈盈水秀山明〔楊〕纘但暗水新流芳

恨蝶悽蜂慘千林嫩綠參差又蝶悽蜂慘千林嫩綠

迷空〔張〕榘莫孤負鶯歌蝶舞〔洪〕璫花上蝶水中

鳧芳心密意兩相於〔方〕千里悠揚夢蝶浮沒書鱗

尹煥怕杳杳詩魂真化蜂蝶〔馮〕取洽鬧媒蜂紛

使蝶菜花繁〔盧〕炳笑菊欺梅嫌蜂却蝶壓盡寒荻

馮艾子倚紅闌故與蜂圍蝶繞柳綿無數飛上搔
頭黃昇行樂處正蝶繞蜂圍錦繡迷無路吳文
英重雲冷哀雁斷翠微空愁蝶舞又竹下門敲又呼
起蝴蝶夢清又秋花旋結小盤虬蝶怨夜香留又最
斷腸夜深怨蝶飛狂又清睡濃時香趁銀屏蝴蝶飛
又柔柯剪翠蝴蝶雙飛起又曉夢先迷楚蝶早風辰
重寒侵羅被又雁影秋空蝶情春蕩幾處路窮車絕
又梅壓檐梢寒蝶尋香到蔣捷卷西風滿地吹塵
土芳事往蝶空訴又憶昨引蝶花邊近來重見身學
垂楊瘦削又未有蟬前已無蝶後花事隨游水又便

晴否怕明朝蝶冷黃花秋圃陳允平倦蝶殘花寒
蟹落葉長是替人愁又燕子樓頭蝴蝶夢桃花扇底
竹枝歌又情懷悶蝶隨蜂趁滿地黃花恨又春已暮
縱燕約鶯盟無計留春住又看窺簾燕妥如花蝶舞
又輕紈笑自拈撲蝶鴛鴦徑張樞粉蝶兒守定落
花不去濕重尋香兩翅又欵步花陰尋蛺蝶玉纖和
粉捻李演否鎔暗淚結紅冰留春蝴蝶情周密
韶華正好應自喜初識長安蜂蝶又柰蝶怨良宵岑
寂又寒菊淒風栖小蝶又疎疎滿地珊瑚冷全誤却
撲花幽蝶又簾銷寶篆卷宮羅蜂蝶撲飛梭又憑闌

久一庭香露挂影弄凄蝶又晴絲罥蝶暖蜜酣蜂重
簾卷春寂寂又待摘玫瑰飛下粉黃蝶又殘蛩露草
怨蝶飛花轉眼西風又成陳迹又生怕柳綿縈舞蝶
戲拋梅彈打流鶯又柰翠簾蝶舞蜂喧催趁禁烟時
候又迷香雙蝶下庭心 王沂公疎簾蝶粉幽徑熟
泥花間小雨初足 張炎故園夢接花暗閉門掩飛
蝶又蝶與周俱夢折一枝聊寄古意殊真又引人蝴
蝶翻輕薄又夢與魂消閒了弄香蝶又今休問燕約
鶯期夢遊空趁蝶又蝴蝶飛來不知是夢猶疑春在
鄰家又香留酒滯蝴蝶一生花裏又剝蕊驚寒減艷

痕蜂也消魂蝶也消魂 石孝友蝶魂空自飛又好
同蝴蝶夢飛上鳳凰枝又鴛鴦有底情難盡蝴蝶無
端夢易驚又夜來縱有鴛鴦夢春去空餘蛺蝶圖又
友鶯夢蝶尋花問柳深相結又寒勒花梢開較遲蝶
魂空自迷又蝶團飛鶯亂啼陌上花開人未歸又準
擬亂紅深處化一雙蝴蝶又醉枕驚回蝴蝶好夢無
人共說又西園歌舞驟然稀只有多情蝴蝶作團飛
又無端處雄蜂雌蝶相美兩情通又魂蝶亂夢鶯孤
知他睡穩無 歐良燕成雙蝶成雙飛去飛來楊柳
旁 張槃晝長蝴蝶爲誰忙 張林却笑燈蛾學他

蜂蝶照影頻飛 楊恢應蝶粉半銷雅雲斜墮暗塵

侵鏡 又最苦是蝴蝶盈盈弄晚一簾風靜 毛珣夢

隨蝶去恨墻高醉聽鸚語嫌籠小 曹蘧玉鞋喚得

餘香住猶醉迷飛蝶 何夢桂燕子飛忙杜鵑啼殺

總為誰悲樂 莫崙蜂蝶侶正閒覓閒花閒草閒歌

舞 李萊老笑紅紫紛紛成雨遡空如蝶肯墜珠塵

王同祖尋蝶夢怯鶯聲柳絲如妾情 趙崇霄小

鶯歡煖調聲嫩蝶試晴飛翅 邵叔齊已無蝶使蜂

媒不共鶯期燕約 譚宣子昨夜新翻花樣瘦旋描

雙蝶湊 方外葛長庚是婦鳩乳燕說教魚躍豪蜂

醉蝶療得鶯吟 又清明也當陰晴莫準蜂蝶休猜

名媛 朱淑真紛紛蜂蝶鬪輕狂 珍娘風颺游絲垂

蝶翅雨飄飛絮濕鶯唇 蟾英烟籠花柳粉蝶難尋

覓 李氏無力薔薇帶雨低多情蝴蝶趁花飛 平

江妓多少無情風與浪 又那更蝶欺蜂妒 見豹隱紀談

女仙紫姑雲鬢試插引動狂蜂蝶 無名氏香上蜂

鬚粉沾蝶翅忍把芳心縈碎 見樂府雅詞 又免使游蜂舞

蝶戲 梅苑 又幽艷滿寒梢更游蜂舞蝶渾無飛繞 又游

蜂戲蝶莫作等閒看 又向深冬免使遊蜂舞蝶撩撥

春心亂 又渾疑是粉蝶輕狂 又夢迷狂蝶喜占乾鵲

愁望飛鴻又休慢說桃夭杏冶年年蝶鬧蜂忙又雪
爛慢怨蝶未知

金吳激獨自蟻尊陶寫蝶夢悠颺李獻能醉夢繞

南雲花上蝶李俊民枕上吟魂無着處化為蝴蝶

去元好問錦樹吹殘蝴蝶老冰綃剪破鴛鴦隻又

一雙蝴蝶帶芳叢

元盧摯不是蕪青花上蝶誰為清明作節王惲蝴

蝶飛來何栩栩向人有意繞闌翻舞似約花間住

趙孟頫別夢愁蝴蝶離歌怨竹枝段克己蝴蝶雙

飛暖日明花草白樸肯羨蜂喧蝶鬧艷紫妖紅

李琳人間陳迹斜陽今古幾縷游絲趁飛蝶應法

孫無言久和衣成夢飛去又飛回劉景翔夢中蝶

飛去又飛回蕭允之柳眼花鬚空點綴鶯情蝶思

應蕭索劉詵暗沾蝴蝶却飛來睡起斜陽猶在

張翥從渠夢蝶疑蛇得放懶還須自在些又郎情秋

後蕭疎葉妾心陌上悠揚蝶又向月明空羨雙雙睡

蝶宿花房露又蝶影寒羞薰翠被燈花瘦懶疊香奩

又蛺蝶應愁明日落紅難觸又堪恨西園撲蝶人間

芳徑踏青鞵潤倪瓚芳草際天涯蝶栩栩春暉夢

華張半湖歌枕未圓蝴蝶夢隔牕時聽幽禽語

黃水村漫記得栩栩多情似蝴蝶飛來撲翻輕扇
張可久黃鶯亂啼蝴蝶舞幾秋千打得春去 周德
清綠牕蝶夢覺來遲誰喚起簾外曉鶯啼 王德璉
蝶徑遺蹤雁沙凝潤又高樓簾角苦無情一聲吹散
雙飛蝶

明劉基誰似莊周能化蝶蘧蘧又春去蝶先知花落
蜂難綴又蝴蝶夢中飛跡與孤雲遠又應有斷魂迷
蛺蝶又語燕鳴鳩白晝長黃蜂紫蝶草花香又蜂徘徊
蝶徘徊飲遍清香未肯回 文徵明悠揚魂夢黯
然情緒蝴蝶過牆去又擾擾蜂粘柳絮蝶繞芳心

吳山休問滕王遺事蝶羅銷盡香痕 楊慎花謝蝶
稀柳濃鶯嬾烟景屬蜂衙 吳子孝蝶慵蜂懶落花
多又燕子已啁啾日暖風柔 吳正志粉蝶忙忙翠
禽唧唧飛鳴三市 費元祿蝴蝶已歸煤麝冷枉教
人揉碎丁香影 陳子龍小桃枝上試羅裳蝶粉鬪
遺香又輕狂無奈東風惡蜂黃蝶粉同零落 夏復
蝴蝶前生原夜合 張大烈蜂蝶間忙已如許又小
荷貼水點橫塘蝶衣晒粉忙 朱灝蜂蝶同徵花稅
名媛端淑卿莊周有夢驚飛蝶關心猶未說 王
鳳嫺隨風閃閃蝶衣忙 沈宜修蝶香濃鶯語碎斷

春風八詩卷一
三
賜時 〔沈靜〕春未盈 垂蝶輕柳外 東風吹恨生
葉小鸞花闌又見飛蝴蝶 〔無名氏〕嫩英妬粉嗟素
艷有蜂蝶



